

明治新刻

國史略

石村貞一編輯

一

大日本圖書會館藏

11

534

册

卷之一次目次

光孝天皇	文德天皇	嵯峨天皇	光仁天皇	孝謙天皇	元明天皇	天武天皇	齊明天皇	舒明天皇	用明天皇	宣化天皇	武烈天皇	清寧天皇	允恭天皇	仁德天皇	成務天皇	崇神天皇	孝靈天皇	懿德天皇	神武天皇	瓊杵尊	伊弉諾尊	洗土煮尊	國常立尊
宇多天皇	清和天皇	淳和天皇	恒武天皇	淳仁天皇	元正天皇	持統天皇	天智天皇	崇智天皇	欽明天皇	繼體天皇	顯宗天皇	安康天皇	履仲天皇	垂仁天皇	孝元天皇	孝昭天皇	綏靖天皇	彥火火出見尊	大日靈貴尊	大戸道尊	國狹穗尊	豐斟尊	豐斟尊
醍醐天皇	陽成天皇	仁明天皇	平城天皇	稱徳天皇	聖武天皇	文武天皇	弘文天皇	孝徳天皇	推古天皇	敏達天皇	安閑天皇	仁賢天皇	雄略天皇	反正天皇	應神天皇	景行天皇	開化天皇	孝安天皇	安寧天皇	尊不合尊	忍穗耳尊	面足尊	豐斟尊

5 6 7 8 9 10 1 2 3 4 5 6 7 8 9 10

始



第七百五十四號
共七冊

11
531
56
24

國史略序

在祿之家多。有譜牒匹夫之家。
 或藏祖先行狀。國史者。譜牒行。
 狀之集大成者也。國史略者。又。
 撮其要也。余嘗謂人止言行多。
 由念其祖德而成。修能以美詩。

國史略

敬字中村氏序

馬家書藏



石村貞一編輯

明治
新刻

國史略

版權免許

明治九年
十月廿四日

東生書館藏

云母念爾祖聿修其德屈子曰
 帝高陽之苗裔兮朕皇考曰伯
 庸屈子豈徒改其祖考自矜哉
 誠思其生於茲祿之家居于匡
 輔之地苟可曰悟君改俗則讓
 間在所不顧諫死在所不辭也

曰是知屈子之忠潔雖由其性
 與學而亦未必非念祖德之使
 然也又改是知凡久出疆行顯
 名者成乎欲光榮其宗國不墜
 其家聲之心也審知此則小而
 家譜大而國史使人起戰國之

此其所關係匪細故也蓋嘗默
 然而首念焉我生於何國乎曰
 帝國大日本也國建于何時
 乎曰自

久皇肇基改至乎今二千五百有
 余年矣曰孰為始祖曰

大日靈尊實始君臨之而闡國之

民為出苗裔
 列聖相承縣無極夫揭尊号於
 東海歷茲久遠而文物之美政
 教之懿凡在東洋除唐國外孰
 有尚於我國者乎每念一及此

則愛國之心油然而生將必自奮曰我既為東洋利權國之神聖也喬何已能壯前猷而增國策乎我既為帝國之民何不能修文德而厚國力乎又將自憂曰自通歐米我舊弊而改而

善者亦去新利雖生而害者或來我何以能興實利而圖謀富強乎何已能存真善改維持獨立乎於是乎各務以一身任全國之一分或黽勉職業以供國之有用或切磋學藝以備國

出福利如此則舉國之丁莫不
 勉強勞苦而國其有平光榮昌
 盛者乎此實由乎念祖德畏天
 命焉而使心知出者國史也國
 史出利用大美哉后却頁一君
 著國史略之余序受而閱之体

裁得宜事蹟瞭然可謂善撮其
 要者矣余故不敢辭論國史之
 所臥使久起愛國之心如此
 明治十年三月

敬宇中却正真撰



不巧則亦不能寫當時情況。呂
供後人觀感三者相資而後可
以傳於世。古人謂非備才學識
三長者不能著史。信有以也。古
者

朝廷有史官以記天下事中。世
以降政出於相家或畝於將門
官失其舊無復史記者。其或有

之皆係私史。除水戶藩大
日本史賴子成日本外史等外
鮮有能備此三長者矣。及至明
治中興之後。政復其古。大開史
局。廣選文士以修史。蓋用數十
人之力。經歲月之久而猶未竣
功。著史之難。可以見也。頃日友
人石村桐陰摘記自

神武天皇至

今上天皇上下二千五百余年之事名曰國史略分為若干卷觀其引用書目不下五百余部可謂博採矣若夫記事之實行文之巧與否則讀者目與心謀焉可以知也抑余亦嘗為兒童著內國史略其事則畧其文則閒

假字固非可以與此編並論者然猶且覺其難焉唯其自知其難是以知桐陰之著之愈難也而桐陰則以一人之力僅閱十數月容易成之所謂備三長者耶非耶是為序

明治十年三月四日識於東京

環碧樓

南摩綱紀



桂洲伊藤信平書



Blank space for text or illustrations, with faint bleed-through from the reverse side.

國史略序



古往今來莫非一大活劇也而
曲盡生且淨丑之態使人恍如
身莅其境目擊其狀者史筆也
然而同一脚色也一則有足使
觀者喜笑怒罵不知秀舞足蹈

一鼎使久不終齟齬亦欲安何也
 皆出于演技者之巧拙耳今日
 坊間史本盛行不下數十種其
 中不無妍媸之別為至如石邨
 君所撰國史略一部義例寡賤
 俱得其當予固竊疑其博觀者

三喜怒罵咲也姑書以質諸古
 上之非矮人者明治十年一月
 瓊江何禮之識于盈科書館之
 還讀處



半額聞書

國史明 卷之一
出王室至大化。始置國司郡領。封建悉廢。天下之勢一變矣。大寶以後。制度大備。典章可觀。然外戚寢盛。政歸攝關。勢又變矣。及有承平。天慶之變也。遂胚胎於平源。迭興之勢。文治建久之時。大權悉歸武臣。諸國置守護地頭。勢又一變矣。元弘建武之變。釀南北分爭之勢。而應仁文明之際。大權遂墜於管領之手。降至元龜。天正之際。亂離之極。群雄割據。

侵伐吞噬。天下不復知大權之所在。至是勢又一變矣。慶長元和之際。雖一舉其大權。未能推焉以歸之朝廷。及慶應明治之際。豪傑輩出。唱大義。收千歲不可拔之大權。以復之朝廷。諸侯爭奉還封土。至是勢又大變矣。爾後駸駸乎進而不止。以至今日之隆也。實可謂金聲玉振之美哉。嗚呼。自今視古。國家治亂之所由。典章沿革之所起。猶可以爲殷鑒。

而後之視今亦猶今之視古也。然則史之為用不亦大乎。此書舉綱提目撮要削煩而辨明是非得失梗槩可觀矣。為資治之用庶乎亦有所鑑戒矣。

紀元二千五百三十七年第一月廿四日

桐陰 石村貞一撰



國史略

凡例

一日本書紀以下正史所記固雖實錄。史官書當時之事不能無隱諱。而是非得失頗有失其實者。六國史以後世無正史。稗官野乘紛然雜出。是非淆亂。莫以折衷。後世何以考哉。於是節略舊史。旁攷稗官野乘。約為史略。雖記載無統。掛一漏萬。於攷治亂得失之蹟。可觀其大略也。

一日本書紀以國常立尊為元始。以國狹槌尊列之。古事記則始於天之御中主神。四神相承而後。至國之常立神。又以角杵活杵二神列大統。書紀則

反之。今以其正史從書紀。

一國史稱上古曰神代。而後人以爲懸絕人世者。或云正史記上世之事。頗涉奇怪者。是自古朝廷詭祕其事。有深意存焉。今從其說。不分神人二代。自
上世至今代。以爲一紀。

一元弘延元之後。舊誌多以北朝爲正統。而大日本史以南朝爲正統。北朝爲閏位。故今循其例。

一諸神天皇及詔敕。皆不擡頭闕字者。要其簡短耳。非敢欠尊崇也。

一立皇后立太子。及其崩薨。雖係國家大典。其無異故者。不悉書焉。亦從簡也。

一諸山陵。人民亦不可不知之。故一一詳記。不復憚其煩。

一攝關將軍。除任罷薨。皆書。其餘除任薨卒。有關係者。書之。



一制度沿革。係原始者。書之。

一凡事跡。舉其大綱。而略細目。故雖正史一一註其所出。以僂讀者考索。

一在古人之後。議古人之事。則易。處古人之位。爲古人之事。則難矣。故不敢輕立論。以褒貶。

一自嘉永癸丑。至明治戊辰。內訌外患。竝起。紛紜錯綜。不易知其端緒。故記之者。往往失其實。今徵之。

大日本全國圖



歷代遷都地名

向日宮崎都 神武天皇
 大和曲原都 孝元天皇
 大和境原都 景行天皇
 近江難波都 仁德天皇
 大津穴穗都 安閑天皇
 大和廣穗都 仁賢天皇
 大和玉穗都 敏達天皇
 大和幸玉都 舒明天皇
 大和岡本都 極明天皇
 近江滋賀都 天智天皇
 大和恭仁都 聖武天皇
 山城平城都 光仁天皇
 大和山城都 後鳥羽天皇

大和橿原都 孝昭天皇
 大和池心都 孝元天皇
 大和率川都 仲哀天皇
 大和豐浦都 履仲天皇
 大和十市都 雄略天皇
 大和朝倉都 武烈天皇
 大和列城都 安閑天皇
 大和櫛槻都 安閑天皇
 大和雙槻都 用明天皇
 大和豐崎都 孝德天皇
 大和清見都 天武天皇
 大和難波都 桓武天皇
 大和長岡都 今上天皇
 大和東京都 今上天皇

大和高丘都 綏靖天皇
 大和秋津嶋都 孝安天皇
 大和瑞籬都 崇神天皇
 大和稚櫻都 神功皇后
 大和柴籬都 反天皇
 大和甕栗都 清寧天皇
 大和綴喜都 繼體天皇
 大和入野都 宣化天皇
 大和倉梯都 崇峻天皇
 大和岡本都 持統天皇
 大和藤原都 武德天皇
 大和平城都 孝謙天皇
 大和平安城都 同天皇

大和浮穴都 安寧天皇
 大和廬戶都 孝靈天皇
 大和珠城都 垂仁天皇
 大和豐明都 應神天皇
 大和飛鳥都 允恭天皇
 大和八郡都 顯宗天皇
 大和金刺都 欽明天皇
 大和豐浦都 推古天皇
 大和廣庭都 元明天皇
 大和平城都 淳仁天皇
 大和保良都 淳仁天皇
 大和福原都 安德天皇

國史略

引用書目

- 日本書紀
- 日本後紀
- 文德實錄
- 類聚國史
- 古事記
- 古語拾遺
- 扶桑畧記
- 帝王編年記
- 百鍊鈔
- 續日本紀
- 續日本後紀
- 三代實錄
- 日本紀略
- 舊事本紀
- 釋日本紀
- 扶桑畧記裏書
- 歷代皇記
- 皇代記

- 皇年代畧記
- 水鏡 續世
- 大鏡裏書
- 寬平御記
- 李部王記
- 小右記 續世
- 法住寺攝政記
- 增鏡 續世
- 中右記 續世
- 台記
- 兵範記
- 愚管鈔
- 大鏡 續世
- 一代要記 續世
- 榮華物語 續世
- 本朝世記
- 權記 續世
- 左經記 續世
- 春記 續世
- 長秋記 續世
- 台記別記
- 山槐記

- 顯廣王記
- 玉海
- 六代勝事記
- 崇德天皇即位記
- 明月記
- 今鏡 續世
- 三長記
- 松陰記
- 五代帝王物語
- 皇年三代畧記
- 元弘日記裏書
- 槐記
- 吉記
- 伏見院御記
- 仲資日記
- 東鑑
- 玉藻
- 椿葉記
- 平戶記
- 葉黃記
- 吉續記
- 神皇正統記

- 續神皇正統記 ○花營三代記
- 保元物語 ○平治物語
- 拾遺物語 ○長門本平家物語
- 八阪本平家物語 ○太平記
- 源平盛衰記 ○豫章記
- 承久記 ○難太平記
- 梅松論 ○園太曆
- 令義解 ○延喜式
- 類聚三代格 ○延曆儀式帳
- 官位記 ○西宮記
- 年中行事秘鈔 ○建武年中行事

- 拾芥鈔 ○年立鈔
- 政事要畧 ○朝野群載
- 公事根源 ○職原鈔
- 禁秘鈔 ○貴女鈔
- 簾中鈔 ○公卿補任
- 濫觴鈔 ○天祚禮祀職掌錄
- 後小松帝升遐記 ○祇園修行記
- 北山行幸記 ○永享行幸記
- 聚樂第行幸記 ○御浴殿日記
- 後深心院關白記 ○攝關傳
- 看聞御記 ○東寺長者補任

- 天台座主記
- 水左記
- 康富記
- 薩戒記
- 三條家記
- 建內記
- 宣胤記
- 後中記
- 陵廟記
- 山陵記
- 山陵志
- 姓氏錄
- 皇胤紹運錄
- 皇胤紹運續錄
- 古本帝王系圖
- 近代帝王系譜
- 御譜
- 大系圖
- 天地歷代圖
- 知譜拙記
- 武家系譜
- 天地根元圖

- 源氏系圖
- 足利系圖
- 足利家譜
- 喜連川系圖
- 赤松系圖
- 將軍家譜
- 豐臣家譜
- 秀吉譜
- 毛利家譜
- 有馬家譜
- 宗家譜
- 松平家譜
- 德川系圖
- 御年譜
- 足利家傳
- 諸門迹譜
- 尊身分脈
- 藩翰譜
- 續藩翰譜
- 僧裔英大日本傳
- 道春年譜
- 關東評定傳

將軍執權次第	○如是院年代記
○永錄年代記	○文正年代記
○天正年代記	○和漢合符
○和漢合運	○將門記
○陸奧話記	○東國通鑑
○後三年軍記	○康平記
○曾我物語	○保曆間記
○足利季世記	○應永記
○明德記	○足利判鑑
○大艸子	○公名記
○結城戰場記	○袋艸子

○史徵	○永享記
○海東諸國記	○嘉吉記
○應仁記	○應仁外記
○應仁別記	○應仁後記
○長祿記	○親長記
○寬正記	○總見記
○和長記	○長興記
○東山殿日記	○北條記
○加越鬪爭記	○關東兵亂記
○政元記	○菅別記
○凶事記	○嚴助記

- 赤松記
- 毛利記
- 文錄清談
- 三水記
- 池藻屑實錄
- 甲陽軍鑑
- 文明一統記
- 安西軍策
- 畿內兵亂記
- 三畧秘鈔
- 時慶記
- 秀忠日記
- 武德大成
- 山城志
- 關原合戰記
- 豐鑑
- 關原記大全
- 隱峯野史
- 朝鮮征伐記
- 平壤錄
- 朝鮮征伐記補遺
- 懲忿錄

- 琉球征伐記
- 逸史
- 二川分流記
- 九州記
- 九州治亂記
- 龍造寺記
- 室町日記
- 武備志
- 中國治亂記
- 太閤記
- 信長記
- 大友記
- 勢州軍記
- 淺井三代記
- 謙信軍記
- 政秀記
- 參松傳
- 王代一覽
- 續王代一覽
- 一本續王代一覽
- 國史實錄
- 難波戰記

- 難波軍記
- 秀賴事記
- 東遷基業
- 真田日記
- 政事記
- 武林隱見錄
- 寬明日記
- 弘賢覺書
- 弘賢覺書追加
- 耶蘇天誅記
- 皇代記事
- 孝亮記
- 德川記
- 御撰大阪記
- 梵舜日記
- 元和實錄
- 舊章錄
- 柳營秘鑑
- 弘賢筆記
- 耶蘇實記
- 原城記事
- 常山記談

- 鄭成功傳
- 万天日記
- 宗建記
- 三王外記
- 水戸家記
- 伊達家記
- 明政間記
- 亮壽記
- 化政日記
- 享保日記
- 天保日記
- 鄭氏記事
- 憲廟實錄
- 元陵續記
- 新益柳營秘鑑
- 異稱日本傳
- 雄藩逸史
- 亮信記
- 亮續記
- 塵泥記
- 天寬日記
- 安政日記

- 嘉永日記 ○十三朝記聞一名慶弘記聞
- 野史纂畧 ○今日抄
- 太平年表 ○續太平年表
- 新續太平年表 ○山田筆記
- 浦賀砲臺圖 ○近事紀畧
- 元治夢物語 ○近世史畧
- 近代月表 ○皇朝要畧
- 雨窓記聞 ○近世事情
- 國史學要 ○內外一覽
- 條約全書 ○規則全書
- 布告全書 ○官途必携

- 憲法類編 ○職官表
- 使清辨理始末 ○明治史要
- 晉書 ○唐書
- 宋史 ○元史
- 明史 ○元享釋書
- 日本高僧傳 ○妙心寺六祖傳
- 續往生傳 ○毘沙門堂所藏記
- 東叡山子院歷代主僧記
- 神明鑑 ○神鏡記談
- 松浦社緣起 ○石清水緣起
- 荏柄緣起 ○八幡愚童訓

- 愚昧記 ○後愚昧記
- 後愚昧別記 ○却濁心集
- 却濁發心畧記 ○南方記傳
- 西行物語 ○樵談治要
- 季瓊日錄 ○善隣國寶記
- 華夷通商考 ○崎陽實錄
- 崎陽拾芥 ○長崎實記
- 長崎日記 ○長崎夜話
- 外藩通書 ○異國日記
- 五事畧 ○外國通志
- 華夷變態 ○環海異聞

- 元和小說 ○東照官御遺訓
- 風也集 ○日光雜記
- 水月名鑑 ○謚號雜記
- 寶永新令 ○寶永新令附錄
- 北窓瑣談 ○天明造營地繪圖
- 堪囊鈔 ○鳩嶺雜事記
- 古事談 ○續古事談
- 十訓鈔 ○古昔物語
- 今昔物語 ○古今著聞集
- 古今集抄 ○懷風藻
- 江談鈔 ○八雲御鈔

- 江吏部集
- 新葉集
- 經國集
- 嘉喜門院集
- 京華集
- 徒然艸
- 山霞山賤記
- 文獻通考
- 野上文書
- 三刀屋文書
- 關城書
- 李花集
- 本朝文粹
- 菅家文艸
- 湘山星移集
- 丹華若木集
- 梅花無盡藏
- 本朝書籍目錄
- 結城文書
- 茶湯傳書
- 三善清行意見封事
- 梅城錄

- 白石遺艸
- 麟嶼遺稿
- 奇文欣賞
- 陂理日本記行
- 艮齋文集
- 振氣編
- 興風集
- 南山踏雲錄
- 高山操志
- 先哲叢談
- 橫田覺書
- 芝屋隨筆
- 回天詩史
- 賊焚記
- 大阪一揆錄
- 江月齋稿
- 懷古集
- 蓮田遺書
- 清狂傳
- 孝子阿米傳
- 落穂集
- 見聞艸

- 翁艸 ○結眊錄
- 蓋簪錄 ○南浦集
- 艸廬筆談 ○言行錄
- 折焚柴記 ○盾鼻隨聞錄
- 澁谷手錄 ○幽囚錄
- 留魂錄 ○評定所斷案
- 雲上明覽 ○奉勅始末
- 大成武鑑 ○忠貞筆記
- 庶物類纂 ○川國雜談
- 忠義傳 ○義人錄
- 天一坊實記 ○造幣規則書

- 大久保武藏銘 ○工部省達
- 大使信報 ○文部省報告
- 巡御事載 ○教部省達
- 郵便規則 ○輿地誌略
- 行在日誌 ○蝦夷日誌
- 公議所日誌 ○太政官日誌
- 鎮將府日誌 ○函館日誌
- 外國新報 ○江城日誌
- 佐賀追討錄 ○地方官會議日誌
- 佐賀傳信錄 ○徵兵令
- 臺灣戰爭記 ○學制

○圍城私記

○太政官布告

○太政官布達

○諸陵撮要

○兵事新聞

○東京日日新聞

○...

○...

○...

○...

○...

○...

引用書目終

國史略目録

卷之

國常立尊至

醍醐天皇

卷之二

朱雀天皇至

仲恭天皇

卷之三

後堀河天皇至

後栢原天皇

卷之四

後奈良天皇至

明正天皇

卷之五

後光明天皇至

後桃園天皇

卷之六

光格天皇至

孝明天皇

卷之七

今上天皇

目次終



國史略卷之一

長門

桐陰 石村貞一 編輯

神世七代

天照大神一號大日靈貴尊伊弉諾尊長女也初諾冊尊

立於天浮橋以天瓊杵探滄溟鋒滴凝成一嶋名曰嚴馭

盧嶋二尊降而居焉遂生大八洲及山川草木議曰何不

生天下之主

生天下之主歟。即生大日靈貴書性質明麗一尊大喜照

臨天地舊事弟素戔嗚尊勇悍安忍放天班駒使伏大神

御田復見大神新嘗時放戾新宮大神驚動入天石窟故

六合闇黑不辨晝夜於是群神會天安河掘天香山真坂

樹懸八咫瓊御統八咫鏡青白和幣奏樂相與祈請大神

微開戶窺之手力雄神奉其手援出之書中國照明古記

群神歸罪於素戔嗚尊謫諸出雲尊到簸川上為脚摩乳

手摩乳斬八岐大蛇割其尾獲一劍以獻大神所謂草薙

劍也。

正哉吾勝勝速日天忍穗耳尊素戔嗚尊之子大神取而子

養焉。

群神會天安河奏樂

草薙劍

三種神寶承為天璽

天津彦彦火瓊瓊杵尊忍穗耳尊之子母栲幡千千姬高皇

產靈尊女也高皇產靈尊特鍾愛焉遂欲立為葦原中國

之主時中國有邪神令經津主神武甕槌神平定之二神

復命大神以八咫瓊曲玉及八咫鏡草薙劍賜瓊瓊杵尊

承以為天璽承字以下據令因勅曰葦原千五百秋之瑞

穗國是吾子孫可王之地也宜皇孫就而治焉行矣寶祚

之隆當與天壤無窮矣又使天兒屋命太玉命天細女命

石凝姥命玉屋命侍焉皇孫於是離天岩座降日向高千

穗峰居久而崩葬日向可愛山陵書今薩摩國高城郡水

引鄉官內村山陵是也諸陵撮要

彦火火出見尊瓊瓊杵尊第二子母木花之開耶姬大山祇

神女尊有山幸利也皇兄火闌降命有海幸相謀試易之

各無所獲既而尊失其鉤無由訪覓作新鉤與之火闌降

命不受責故鉤益急尊大憂行吟海畔逢鹽土老翁從其

教到海神宮得失鉤及潮滿潮涸二瓊然後久在而崩葬

日向高屋山山陵紀書今大隅國始羅郡溝邊鄉麓村山陵

是也諸陵撮要

彦波瀲武鸕鷀草葺不合尊彦火火出見尊子母豐玉姬海

神豐玉彦女紀書初豐玉姬臨產時造產殿於海邊以鴉羽

為葺艸未葺合而尊既生因以為名古事記崩西州宮葬日

向吾平山山陵紀書今大隅國肝屬郡始良鄉上名村山陵

是也諸陵撮要

明治五年冬

武天皇即位元年

神武天皇諱彥火火出見名狹野彦波瀲武鸕鷀草葺不

合尊第四子母玉依姬海神豐玉彦少女天皇生而明達

意確如也年十五立為太子西辛元年春正月天皇即位

大和橿原宮紀書先是甲寅歲天皇在日向高千穗宮古事記

會諸皇族議曰此瑞穗之國我祖宗之所受於天而運屬

草昧居此西偏多歷年所顧此四方未霽王澤遂使邑有

君村有長各相陵轍莫之能統一吾聞東方有美地山岳

四周足以恢弘大業有饒速日命者稱出我祖支屬為長

髓彦者所推先據有此吾將掃蕩之定都焉遂經營四方

也十月親將發日向至速吸門得珍彥收為鄉導十二月

至安藝居埃宮乙卯歲入吉備居高嶋宮備舟楫蓄兵食

姓氏錄八鴨津身命化如大鳥羽飛導官軍八咫鳥之號從此始

戊午歲二月航抵浪速溯流至河內赴龍田路險隘乃東由膽駒山入大和長髓彥邀擊官軍于孔舍衛阪官軍不利皇兄五瀨命傷於矢薨乃退還示羽轉由紀伊入高倉下八咫鳥等歸順以為鄉導歷熊野之險出菟田道臣命為先鋒誅兄猾破八十梟帥于國見岳斬之又用珍彥計設疑兵殺兄磯城遂進攻長髓彥饒速日殺長髓彥來降已未歲分兵誅諸窟居賊盡定大和相畝傍山東南為國之輿區定為都焉至是即位立正妃媛賜鑄為皇后事代主神女書紀天富命率諸忌部捧天璽鏡劔奉安正殿天種子命奏天神壽詞可美真手命率內物部衛官中道臣命率來目部護官門可美真手饒速日之子也○十一月可

奉安天璽鏡於正殿

奉齋天璽十種瑞寶於殿內為鎮魂祭

立靈時祀皇祖天神

紀元八十年即位

美真手命奉齋瀛都鏡邊都鏡八握劔生玉足玉死及玉道及玉蛇比禮蜂比禮品物比禮於殿內為帝后崇鎮御魂祈禱壽祚所謂鎮魂祭始于此書紀○二年戊子月論功行賞以珍彥為大和國造劍根為葛城國造弟猾為猛田縣主弟磯城為磯城縣主賜道臣命宅地八咫鳥等受賜有差書紀可美真手天日方奇日方並為申食國政大夫舊事○四年甲子立靈時於鳥見山祀皇祖天神○七十六年丙子春三月天皇崩壽百二十七葬大和國高市郡畝傍山東北陵山名綏靖天皇諱神淳名川耳神武天皇第三子也母媛稻備五十鈴媛皇后事代主神大女帝風姿岐嶷少有雄氣及壯

沈毅善武技性純孝在諒闇悲慕無已庶兄手研耳命代聽朝政威福由己遂謀大逆帝知之密與兄神八井耳命謀為之備及山陵事畢伺其困卧襲殺之神八井耳命戰懼不能射帝奪其弓矢射殺之神八井耳歎曰吾不及汝武宜乎能承續大業吾當為汝輔而已○元年庚辰正月都葛城是謂高丘宮○三十三年壬子五月帝崩壽八十四葬大和桃花鳥田丘北陵

安寧天皇諱磯城津彥玉手見綏靖天皇子母五十鈴依媛皇后事代主神之少女○二年甲寅遷都於片鹽曰淨孔宮○三十八年庚寅十二月帝崩壽五十七葬大和畝傍山南御陰井上陵

紀元百十三年即位

紀元百五十二年即位

紀元百八十六年即位

紀元二百六十九年即位

懿德天皇諱大日本彥稚友安寧天皇第二子母淳名底仲媛皇后事代主神孫鴨王之女○二年壬辰遷都於輕地曰曲峽宮○三十四年甲子九月帝崩壽七十七書紀享年關占事記曰四十五歲今據書紀立為太子年十歲六之文推之從水鏡神皇正統紀葬大和畝傍山南織沙溪上陵

孝昭天皇諱觀松彥香殖稻懿德天皇子母天豐津媛皇后息石耳命之女○元年丙寅七月遷都掖上是謂池心宮○八十三年戊子八月帝崩壽一百十四書紀享年關今據立太子年從神皇正統代記葬大和掖上博多山上陵

孝安天皇諱日本足彥國押人孝昭天皇第二子母世襲足媛皇后瀧津世襲之女○二年庚寅遷居室地曰秋津嶋宮

○一百二年庚午正月帝崩壽一百三十七書紀享年關古

三歲今據立太子年從水葬大和玉手丘上陵

孝靈天皇諱大日本根子彥太瓊孝安天皇子母押媛皇后

天足彥命之女○遷都黑田曰廬戶宮書紀○七十二午

秦徐福歸化神皇正統記○七十六

年丙戌二月帝崩壽一百二十八古事記曰百六歲水鏡百

立太子年二十六之文推葬大和片丘馬阪陵統記百十今據

孝元天皇諱大日本根子彥國牽孝靈天皇長子母細媛皇

后磯城縣主大目之女○四年庚寅遷都於輕地名曰境原

宮○五十七年癸未九月帝崩壽一百十六葬大和輕劍池

鳴上陵

紀元五百〇四年即位

開化天皇諱稚日本根子彥大日日孝元天皇第二子母鬱

色謎皇后鬱色雄命之妹○遷都春日曰率川宮○六十

年癸未夏四月帝崩壽一百十一葬大和春日率川坂本陵

紀元五百六十四年即位

崇神天皇諱御間城入彥五十瓊殖開化天皇第二子也母

伊香色謎皇后大綜麻杵之女帝性聰敏幼好雄略及壯

寬博謹慎恒有經綸大業之志○三年丙戌遷都磯城曰瑞

籬宮○六年己丑遷安神器於大和笠縫邑祀天照大神使

皇女豐鍬入姬常侍掌祀事先是列朝皆安神器於殿內

同牀卧起帝惧其褻瀆故有此舉書紀別摸造劍鏡置之御

座古語拾遺○七年庚寅十一月祭諸神定天社國社神地神戶

○十年癸巳九月遣大彥命于北陸武停川別于東海吉備

祀天照大神

定天社國社

始置將軍

始造船船
任那始入貢

紀元六百三
十二年即位

津彦于西道。道主于丹波。並授印將兵。巡按有不受命者。聽征誅之。未發。武植安彦反。自山背。其妻吾田。自大阪共襲京師。帝命五十狹芥彦。要擊吾田。命大彦及彦國葺擊安彦于輪韓川南。射殺之。十月。大彦等發京師。將軍始于此。神皇正統紀○十一年甲午。大彦等還。○十二年乙未。校人民戶口。序壯老。課男女調役。初帝即位。數年。飢疫盜起。帝憂傷。勵精求治。至是。歲大稔。家給人足。民稱曰。御肇國天皇。○十七年庚子。詔諸國造船。○六十五年戊子。任那始入貢。使者蕪那曷叱知留侍皇太子。○六十八年辛卯。十二月。帝崩。壽一百二十。葬大和山邊道勾岡上陵。

垂仁天皇諱活目入彦五十狹茅崇神天皇第三子。母御間

新羅王子歸化

狹穗彦伏誅

相撲儀

城姬皇后。大彦命之女。○二年癸丑。立狹穗姬為皇后。○遷都。纏向曰珠城宮。○遣歸蕪那曷叱知厚賜任那主。新羅人途要奪之。二國相仇怨。始此。○三年甲午。新羅王子天日槍歸化。○五年丙申。狹穗彦反。伏誅。狹穗彦皇后兄也。陰圖不軌。誘后行。逆會。帝幸來日高宮。枕后膝而寢。后思兄言。悲泣不禁。淚落帝面。帝寤。謂后曰。朕夢錦色小蛇。逆頸有雨。從狹穗來。沾朕面。是何祥也。后告以實。帝曰。非汝罪。命將討。狹穗彦。狹穗彦入城拒守。后不忍坐視。兄死。抱皇子奔投城中。詔狹穗彦奉還。不奉。詔后使人奉皇子出城。而與兄同死。○七年戊戌。召野見宿禰。與力人當麻蹶速角力。宿禰踢其脅骨。斃之。朝廷有相撲儀。始此。○二十五年丙辰。

奉遷天照大神
伊勢度會

禁殉死

紀元七百三十一年即位

遷天照大神祠於伊勢度會。建齋宮于五十鈴川上。使皇女倭姬代豐鍬入姬奉齋焉。○二十七年戊午始以兵器為祭幣。是歲置屯倉于來目。○二十八年己未皇弟和彥命薨。以近臣殉葬。帝聞其號泣聲。惻然詔禁殉死。○三十二年癸亥皇后日葉酸媛崩。野見宿禰議葬儀。以土偶殉。帝嘉之。定為永制。以宿禰任土部職。賜姓土部。○三十五年丙寅詔諸國開池溝八百餘所。以便灌溉。民賴殷富。○九十九年庚午七月帝崩。壽一百四十。葬大和菅原伏見東陵。

景行天皇諱大足彥忍代別垂仁天皇第三子。母日葉酸媛皇后。丹波道主王之女。書紀帝容貌雄偉。長一丈二寸。古事記○四年甲戌行幸美濃。既還。○都纏向日。日代宮。○十二年

熊襲反

日本武尊征熊襲

壬午七月熊襲反。八月天皇親征。行勦周芳豐前賊。十月至日向。起行宮。曰高屋宮。熊襲有二女。或獻策誘之。歸順。長女曰妾有良謀。得從兵一二。而歸家。飲其父以醇酒。乃醉。卧密斷其弦。使從士殺之。帝惡其大逆。誅之。以次女賜火國。造駐日向六年。筑紫悉平。乃還。○二十五年乙未遣武內宿禰巡察東北諸國。還奏其地沃壤。民俗勇悍。可收為朝廷用。○二十七年丁酉熊襲復反。命皇子日本武尊伐征之。召美濃尾張射手。從之。尊時年十六。變服親調。賊巢窺賊。曾川上梟帥醉刺之。未殊。梟帥感其強勇。上尊號曰日本武皇子。言訖而殺之。自是稱日本武尊。既而餘衆降服。乃還。○四十年庚戌東夷反。遣日本武尊征之。○四十三年癸丑

橘媛投海止風

日本武尊平東夷而還。至伊勢。薨。初尊至駿河。虜倭降。襲官軍。尊奮擊克之。遂自相摸航海。抵上總。海上遇颶。船將覆沒。時妃橘媛從。曰：海神為崇也。妾請以身當之。言訖自投海。風濤即止。船得著岸。轉入陸奧。蝦夷降。附還。巡視上野。信濃。抵碓日嶺。東望懷橘媛。嘆曰：吾婦故號東陸。曰：吾婦國使武彥分按越國。會美濃平。近江賊獲。病還。獻俘。伊勢神宮使武彥奏捷京師。終薨。能褒野年三十。帝大悼惜。造陵。其地稱白鳥陵。○五十三年。癸亥。帝東巡。歷覽東海諸國。還駐伊勢。踰年乃還。○五十五年。乙丑。遣宗室彥狹嶋王都督東山道諸國。途病薨。明年以其子御諸別王襲職。討蝦夷未服者。平之。○五十八年。戊辰。行幸近江。志賀號高穴。

白鳥陵

穗宮。○六十年。庚午。十一月。帝崩。壽一百六歲。葬大和山邊道上陵。

紀元七百九十一年即位

成務天皇。諱稚足彥。景行天皇第四子也。母八阪入媛皇后。

始置大臣

八阪入彥之女。紀書即位高穴穗宮。古事記。○三年。癸酉。以武內宿禰為大臣。置大臣。始此。補景行帝嘗宴群臣。帝及宿禰不至。問之。答曰：百寮宴樂宿禰不可不戒。景行嘉之。遂立為儲貳。以宿禰為傳。至繼位。有此命。○五年。乙亥。國郡立。造長縣。邑置。稻置。界山河分國縣。隨阡陌。定邑里。東西為日。縱南北為日。橫山陽曰影。面山陰曰背。面。○六十年。庚午。六月。帝崩。壽一百有七。葬大和狹城盾列池後陵。

紀元八百五十二年即位

仲哀天皇。諱足仲彥。日本武尊第二子也。母兩道入姬垂仁。

始置大連

天皇之女。帝容姿端正。身長十尺。書紀○元年壬申以大伴武

以爲大連。置大連。始此。曆運記○二年癸酉正月立氣長足

姬爲皇后。○二月行幸越前角鹿。皇后及群臣從焉。造行

宮。是謂筭飯宮。○三月帝南巡抵紀伊。會熊襲反。親帥舟

師征之。遣使角鹿。令皇后以下會于穴門。居豐浦行宮。○

八年己卯春。進幸筑紫。居香推行宮。○秋九月。會群臣議進

討。皇后以爲先征新羅。則熊襲自服矣。帝不從。親戰不克。

書紀○九年庚辰春二月。帝病崩于香椎宮。壽五十二。古事皇

后與諸大臣謀。秘不發喪。令大連帥群臣守行宮。而令武

內宿禰密奉梓宮。殯於豐浦宮。後葬河內惠我長野西陵。

皇后終。決策征新羅。修船艦弓弩。諭群臣曰。此事不必諉

神功皇后征新羅

紀元九百三十年即位

應神天皇諱譽田別仲哀天皇第四子也。母神功皇后。氣長

宿禰王之女。○辛巳歲二月。皇后奉帝至豐浦宮。發仲哀

帝喪。將奉梓宮還京師。時帝庶兄麿阪忍熊二王舉兵。要

之播磨。皇后使武內奉帝航赴紀伊。會麿阪暴薨。忍熊退

之。汝等吾自當之。事成共其功。不成吾獨有罪。於是遣鴨

別當熊襲。而自齋戒禱神祇。爲男裝。誓師而發。○冬十月

至新羅。新羅主波沙寐錦惶遽出降。后命納質子。申盟約。

徵金帛八十艘。遂爲歲貢。定額高麗百濟。並望風歸款。乃

置司戍兵。振旅而還。○十二月。生皇子。於筑紫。皇子腕上

肉起。似母后雄裝負鞆狀。故名譽田別。初皇后有孕。征三

韓而還。故稱胎中天皇。胎中字據

應神天皇諱譽田別仲哀天皇第四子也。母神功皇后。氣長

宿禰王之女。○辛巳歲二月。皇后奉帝至豐浦宮。發仲哀

帝喪。將奉梓宮還京師。時帝庶兄麿阪忍熊二王舉兵。要

之播磨。皇后使武內奉帝航赴紀伊。會麿阪暴薨。忍熊退

之。汝等吾自當之。事成共其功。不成吾獨有罪。於是遣鴨

別當熊襲。而自齋戒禱神祇。爲男裝。誓師而發。○冬十月

至新羅。新羅主波沙寐錦惶遽出降。后命納質子。申盟約。

徵金帛八十艘。遂爲歲貢。定額高麗百濟。並望風歸款。乃

置司戍兵。振旅而還。○十二月。生皇子。於筑紫。皇子腕上

肉起。似母后雄裝負鞆狀。故名譽田別。初皇后有孕。征三

韓而還。故稱胎中天皇。胎中字據

應神天皇諱譽田別仲哀天皇第四子也。母神功皇后。氣長

宿禰王之女。○辛巳歲二月。皇后奉帝至豐浦宮。發仲哀

百濟新羅入貢

始遣使于晉

神后攝政六十九年

軍任吉皇后帥舟師直向難波。忍熊又退軍菟道。皇后與帝會。命武內進擊忍熊。忍熊敗走死瀨田。○十月群臣尊皇后為皇太后。臨朝攝政。○癸未歲立帝為皇太子。都磐余曰。雅櫻宮。○乙酉歲還新羅質子。○丁卯歲百濟新羅共入貢。皇太后皇太子大喜曰。是先帝之所欲而所未見也。群臣為之感動。○己巳歲。先是新羅奪百濟貢物相易而獻。救逐新羅使者。遣使其國。責問之。至是遣荒田別等將兵。援百濟討新羅。破之。遂定。任那七國加賜於百濟。紀書

○丙戌歲遣使於晉。書 ○己丑歲四月皇太后崩。攝政六十九年。壽一百。是為神功皇后。葬狹城盾列池上陵。○元年庚寅春正月帝即位。書紀都輕嶋號明宮。古事記 ○三年壬辰蝦

百濟貢良馬

王仁獻論語千字文

夷入貢。○初百濟枕流卒。子阿花幼。叔父辰斯篡立。是歲遣紀角等責問之。國人殺辰斯以謝。角等立阿花而還。○五年甲午定諸國海人山守部。○七年丙申高麗百濟新羅任那入貢。令武內宿禰。役韓人穿池。曰韓人池。○九年戊戌遣武內宿禰巡察西海。其弟甘美內宿禰。讒其密招三韓。據筑紫。謀反。救遣使案驗。有真根子者。貌類武內。自殺以免之。武內潛請闕。自明救。面對質。甘美內伏罪。特赦死一等。○十四年癸卯百濟王貢縫衣女。○十五年甲辰百濟王使其子阿直岐貢良馬。阿直岐通經典。帝使皇子稚郎子為師。學焉。阿直岐更薦其國秀士王仁。書紀 ○十六年乙巳二月王仁率治工卓素。吳服西素。釀酒仁番等來獻。論語十卷。千字文。

宇文一卷古事記文教之興始此神皇正統記○百濟王阿花卒

敕遣歸阿直岐繼位○二十八年丁巳九月高麗使至表文

倨慢稚郎子奏劾責使者壞表文○三十七年丙寅遣使於

吳求織縫工女吳主遣吳織穴織等四女○四十年己巳立

皇子稚郎子為皇太子大鷦鷯大山守並長帝特愛太子

立之○四十一年庚午二月帝崩壽一百一十歲葬河內惠

我藻伏山岡陵

紀元九百七
十三年即位

仁德天皇

諱大鷦鷯應神天皇第四子母仲姬皇后品陀真

若王女也○元年癸酉正月即位先是大山守皇子及帝知

之密告皇太子誅之太子素知帝之賢欲禪位避之菟道

固辭相讓三年貢獻者莫知所適太子遂自殺帝馳至慟

遣使于吳求織
縫女

天皇登高臺望
見炊烟

哭群臣遂勸進即位○都難波號高津宮○四年丙子二月

帝登高臺見人烟稀疎知民貧痛自節儉悉除租稅三年

○七年己卯四月帝居臺上望見炊烟盛起喜語皇后曰朕

既富矣后曰屋漏衣敝何謂富乎帝曰天之立君為民也

民之富乃朕之富也臣民請輸稅修宮不聽○十年壬午十

月始科課役修宮室百姓子來不日而成○十一年癸未詔

北河橫溢下流不駛每霖海潮逆上民苦泥濘宜鑿宮北

地為渠通海以全田宅又築茨田堤○十二年甲申七月高

麗入貢獻鐵盾鐵的敕饗使者令通田宿禰射鐵的洞之

○十七年己丑新羅不貢遣使責問乃貢絹物八十艘○五

十五年丁卯蝦夷反遣將軍田道征之軍敗死之士人掘其

宿儻有兩面而合頂四手四足左右佩劍多力趨捷云

冢有大蛇出。昨虜殆盡。紀書○武內宿禰薨。在官凡二百四十四年。水鏡補任○六十五年。丁丑遣難波根子武振熊。誅飛彈。

山賊宿儻。○八十七年。己亥春正月。帝崩。壽一百一十歲。紀書享年關古事記為捌拾參歲。誤也。帝末年。海內清平。刑措。今從皇代記。水鏡皇年代畧記。二十餘歲。紀書稱謂聖帝。古事記葬和泉百舌鳥野耳原中陵。

紀元一千○六十年即位

履中天皇諱。去來穗別。仁德天皇長子也。母磐之媛皇后。葛

住吉仲友

城襲津彥女。帝既除喪。未即位。納羽田黑媛為妃。皇弟住吉仲。佯稱帝與姦。事露。畏罪。反舉兵。圍宮。帝方被酒。卧諸大臣。入告。不信。扶上馬。奔河內。至埴生。阪而醒。入大和。發當麻兵。遣皇弟瑞齒別。討仲。瑞齒別請與平。群木菟。偕遂誘仲。近臣刺領巾。刺殺仲。木菟請而誅。刺領巾。帝乃還。○

紀元一千○六十六年即位

元年。庚子二月。即位於磐余。稚櫻宮。○二年。辛丑十月。平群木菟。菟。蘇我滿智。物部伊呂。葛城圓。執政。○四年。癸卯始置史官。於諸國。記得失。通四方志。○六年。乙巳始置藏職。因定藏部。○三月。帝崩。壽七十。葬和泉百舌鳥野耳原南陵。

反正天皇諱。瑞齒別。履中天皇同母弟。○元年。丙午遷都河內丹比。曰柴籬宮。紀書○六年。辛亥正月。帝崩。壽六十。葬和泉百舌鳥野耳原陵。

紀元一千○七十二即位

允恭天皇諱。雄朝津間稚子。宿禰反正帝同母弟。反正天皇崩。無嗣。群臣迎立。帝。帝遜讓不許。群臣奉璽。固請。紀書遂即位。於大和遠飛鳥宮。古事記○三年。甲寅帝疾。徵醫於新羅。瘡厚。賞遣歸。○四年。乙卯詔定姓氏。紀書帝憂。姓氏混亂。會內外

詔定姓氏

百官詛盟勿得詐冒古事記 ○八年未已納衣通姬為妃妃皇后妹帝聞其絕艷召之以皇后不懌乃處之於河內茅渟宮數託游獵幸焉 ○四十二年已癸正月帝崩壽闕葬河內惠我長野原北陵

安康天皇諱穴穗允恭天皇第二子也母忍阪大中姬皇后

紀元一千一百一十四年即位

稚野毛二岐皇子之女初皇太子木梨輕好色通同母弟時盛夏帝御膳羹冰帝異之命卜焉知有內亂不忍罪太子乃流皇女于伊豫及帝崩淫虐益甚群臣不服屬心於帝太子知之聚兵欲襲殺帝帝備兵自衛太子慮不克匿物部大前家帝圍之太子自殺帝遂即位遷都石上號穴穗宮 ○二年未已以中蒂姬為皇后初帝欲為母弟大泊瀨

眉輪王弑帝

聘大草香皇子女幡檢使根使主諭旨大草香大喜獻珠纒為信根使主私珠纒不進詐奏大草香拒命詞意倨嫻狀帝大怒遣兵殺之取幡檢配大泊瀨取其妻中蒂姬為皇后 ○三年丙申八月天皇幸山宮暴崩初皇后為大草香妃生眉輪王及入宮從養官中帝在山宮閣上謂后曰朕雖愛汝獨眉輪介於心耳書紀眉輪時甫七歲古事記戲閣下聽之伺帝醉卧刺而弑之大泊瀨皇子聞變疑諸兄所為即擐甲執兵馳至逼母兄八鉤白彥問故不答大泊瀨拔刀斫之又問次兄坂合黑彥又不答亦欲殺之黑彥懼與眉輪亡匿大臣葛城圓第大泊瀨圍圓第焚之誅眉輪殺黑彥又殺市邊押磐御馬二皇子市邊履中天皇子初帝

立大泊瀨為嗣。又愛市邊欲立之。大泊瀨啣之。故殺之。帝壽五十六。葬大和菅原。伏見西陵。

紀元一千一百一十七年
即位

雄

略天皇諱大泊瀨幼武允恭天皇第五子。安康帝同母弟也。即位。泊瀨朝倉宮。遂都焉。以半郡真鳥為大臣。以大伴室屋物部目為大連。○二年。戊辰。百濟池津媛淫石河。循被

詔諸國植桑

刑。○五年。辛丑。百濟王使其弟軍君入仕。○六年。壬寅。令諸國植桑。救后妃躬桑勸蠶事。○七年。癸卯。以吉備田狹為任那

國司。又遣其子弟君伐新羅。田狹據任那友。○八年。甲辰。高麗擊新羅。新羅乞援我將。在于任那者。大破高麗。尋又叛

始起樓閣

○九年。乙巳。朝廷遣紀小弓蘇我韓子征伐焉。大破之。會小弓病卒。于軍將士不和。竟失利而歸。○十二年。戊申。始起樓

根使主伏誅

閣。○十四年。庚戌。吳國人來獻女工。漢織吳織。帝令根使主

饗之。使主入謁。皇后見其所著珠鬘。仰天大哭。曰。彼鬘者。嚮妾兄奉先帝勅為進。妾於陛下所獻之物。帝大驚。紕問

始造陶器

使主。使主首服伏誅。○十七年。癸丑。詔土師連等造清器。清

器。陶器也。○十八年。甲寅。遣物部菟代目。勦伊勢賊。菟代目

留不進。目奮戰獲其渠帥。救奪菟代采地。賜於目。○二十

奉祀豐受太神
于伊勢山田

年。丙辰。高麗滅百濟。○二十一年。丁巳。帝賜久麻那利地於百

濟王汶洲。復其國。○二十二年。戊午。遣大佐佐命於丹波。奉

迎豐受太神。祀伊勢山田。曰外官。○二十三年。未。已。百濟王文斤卒。帝勅立昆支王子未多為王。別遣將伐

高麗。○秋八月。天皇崩。在位二十三年。壽六十三歲。○二十三年。高麗

關今據本書天皇性剛強。數游獵。親殺猛獸。喜怒不測。至帝生年推之婦女入宮者。泣求免。嘗遣吉備田狹守任那。奪其妻。致田狹反。然性明決。時納善言。末年尤留心政治。國家無事。葬河內丹比高鷲原陵。

清寧天皇諱白髮。雄略帝第三子。母皇太夫人韓媛。葛城大

星川王友

臣圓女。初星川王謀不軌。據大藏官。及帝詔大伴室屋。及東漢駒討之。誅王母子。星川王田狹氏所生也。○元年庚申

設壇場於磐余麴粟。以即位。遂定官馬。大伴室屋為大連。平郡真鳥為大臣。如故。○三年戊午立億計王為皇太子。初

雄略帝誘市邊皇子與獵。射殺之。皇子有二子。曰億計。曰弘計。其臣曰下部使主與其子吾田彥奉逃播磨赤石。使

紀元一千一百四十年即位

飯豐王聽政

主縊死。吾田彥終始從。二子。二子變名為縮見屯倉首家。僮會播磨國司來目部小楯徵真宿首家。弘計欲告實。伸屈億計猶恐其致禍。不許已。而酒酣首命。二子歌。二子相讓良久。小楯頻促。於是弘計決意。因歌述其意。小楯大驚。離席再拜。即發郡民營築假處之。令其屬給事焉。自乘驛傳。請京以聞。天皇大喜。曰。此天賚也。遣小楯迎立之。以弘計為皇子。○是歲遣臣連巡察諸國風俗。又詔禁獻狗馬器玩。○四年癸亥秋帝親錄囚徒。是日蝦夷隼人竝請內附。○五年甲子春正月。天皇崩。壽四十一。書紀享年關今據水鏡一代要記皇年代畧葬河內坂門原陵。皇太子讓位於弘計。弘計稱先帝命。不從。於是太子姨飯豐垂簾聽政。稱忍海飯豐青尊。未踰

年而薨古事記太子與群臣拜弘計勸進曰微君決策吾不
至此有功者宜享其祿弘計遂即位

紀元一千一百四十五年
即位

顯宗天皇諱來日稚子初稱弘計王履中天皇之孫市邊押

磐皇子第二子母美媛蟻臣女也即位于近飛鳥八鉤宮

以皇兄億計為儲君如前朝時人欽慶其誠實相讓○元

年丑詔曰先王遭離多難殞命荒郊朕幼年亡逃自匿莫

由求遺骸痛恨何堪夫周訪天下以告報焉於是有一老

嫗自言知其處帝即將嫗幸近江蚊屋野果得墳塋號哭

悲慟設奠改葬起陵而還○三年卯夏四月天皇崩于八

鉤宮壽三十八書紀享年關今天皇久在民間知百姓疾

苦故深用心於政事恤孤養老薄斂省徭德化宣流億兆

悅服歲比登稔粟斛直銀錢一文海內殷富葬于大和傍
丘磐坏丘陵

紀元一千一百四十八年
即位

仁賢天皇諱大脚初稱億計王顯宗帝同母兄也即位於石

上廣高宮○二年己秋皇太后崩后嘗侍宴先帝無禮於

帝及帝即位懼自殺○六年癸遣使高麗求工匠○八年

乙大有年○十一年戊秋八月天皇崩壽五十一書紀享

據水鏡天皇謙怨聰敏吏稱其職民安其業戶口滋殖初

顯宗帝即位欲發雄畧陵以報父仇帝諫曰如先帝之恩

何乃止葬河內埴生阪本陵

紀元一千一百五十九年
即位

武烈天皇諱小泊瀨稚鷦鷯仁賢天皇太子母皇后春日大

娘雄略帝之女也帝即位泊瀨列城宮遂都焉○誅大臣

平群真鳥及其子鮪伏誅

平群真鳥，真鳥久執國政，陰圖不軌。帝為太子時，真鳥伴稱為太子築宮，遂自居焉。其子鮪又無禮於帝，帝夜幸大伴金村宅，發兵要鮪於途，斃之。遂圍真鳥第，焚殺之。○六年^甲，百濟入貢。先是，百濟王末多無道，國人弑之，立其族斯麻。至是來貢，帝志其久闕，貢拘留使人。○七年^乙，百濟更使其族斯我來貢。○八年^丙十二月，天皇崩^壽。天皇好刑名，日晏視朝，聽斷訟獄，善為鈎距，發奸摘伏，無所失。凡諸慘刑，皆自臨視。至刳孕婦胎，脫人指甲，使掘薯蕷，使人緣木親射墜之，且數游獵，縱酒漁色，驕奢暴斂，天下苦之。葬大和傍丘磐，坏北陵。

紀元一千一百六十七年

繼體天皇諱男大迹，應神天皇五世之孫，彥主人王子也。初

即位

詔勸農桑

彥主人王在高嶋別業，娶越前阪中井人女，名振媛者。生帝。既而王薨，帝養於母家。及長，有德望。武烈帝崩，無嗣。大連大伴金村與諸大臣議，迎仲哀帝五世孫倭彥王於丹波。王望見儀仗，懼而逃匿。金村等更議，迎帝于三國。帝據胡床，列臣僕見之，使者敬憚傾心。帝猶豫未就道，會河內荒籠者潛遣人，具白臣連奉迎無他意。帝即發至宮，即位。詔勸農桑。○三年^己，遣使百濟，令其民逃亡在任那者送歸于國。○五年^辛，遷都于山背，以筒城為皇居。○六年^壬，百濟入貢。○七年^癸，徵五經博士段楊爾於百濟。至○二十年^丙，遷都于大和居磐。余是為玉穗宮。○二十一年^丁，夏遣近江毛野將兵六万，赴任那，復新羅侵地，筑紫國造。

詔舉廉節之士

磐井反據火豐二國與新羅通謀拒毛野秋以大連物部
麤鹿火為大將討之○二十二年戊申麤鹿火擊破磐井斬
之筑紫平○二十三年己酉百濟任那訴新羅背約詔遣近
江毛野和解諸蕃毛野緩馭失方救召還之○二十四年
庚戌詔舉廉節之士曰今天下清泰內外無虞恐吏民因此
習貪婪生奢侈其舉廉節宣揚大道○二十五年辛亥帝疾
病傳祚皇太子而崩壽八十二葬攝津藍野陵

紀元一千一百九十四年
即位

安閑天皇諱勾大兄繼體帝庶長子也母曰子媛尾張連草

香之女○元年甲寅遷都于勾金橋即為官號○大有年○

二年乙卯春大酺詔曰連年登穀黎庶樂于耕稼鰥寡免於
飢寒朕甚喜焉○冬十二月天皇崩壽七十帝有人君之

量在位之間國家殷富葬河內古市高屋丘陵

紀元一千一百九十六年
即位

宣化天皇諱檜隈高田繼體帝第二子安閑帝同母弟也帝

器宇清通神襟朗邁不以才智矜人○元年丙辰遷都于檜

隈廬入野大伴金村物部麤鹿火並為大連如故修諸國

屯倉備凶荒○二年丁巳新羅侵任那遣大伴金村及其二

子磐狹手彥援之磐留鎮筑紫狹手彥赴任那府○四年

己未春二月天皇崩壽七十三葬大和身狹桃花鳥阪上陵

欽明天皇諱天國排開廣庭繼體帝嫡子母皇后手白香仁

賢帝之女○元年庚申遷居磁城嶋金刺官蝦夷隼人及高

麗百濟新羅任那並入貢檢秦漢及諸蕃投化者七千餘

戶編貫諸國○二年辛酉詔任那及百濟謀復新羅侵地○

紀元一千二百
百年即位

巴提便殺虎

四年^{癸亥}百濟獻扶南貨財及人口。○六年^{乙丑}春遣膳臣巴提便於百濟。至冬而還。巴提便之在高麗也。一夕大雪。失其幼子。見戶外有虎跡。跡而至虎穴。虎張口欲噬。巴提便左手執虎舌。右手拔刀刺殺之。乃持其皮進獻。○十二年^{辛未}賜麥種一千斛於百濟。百濟伐高麗。復其侵地。○十三年^{壬申}百濟獻金銅佛像及經論幡蓋等。蕪我稻目。奏請受之。百濟付表稱贊佛功德。帝下群臣議。蕪我稻目請受而禮之物。部尾輿中臣勝海同奏。國家以天地社稷百八十神祭別禮。蕃神恐致譴怒。乃賜佛像於稻目。稻目捨向原家奉之。諸國大疫。尾輿等奏請燒寺。投佛像於難波堀江。○是歲百濟棄其漢城。平壤。新羅入居之。○十四年^{癸酉}大

百濟獻佛像經論

投佛像于難波堀江

百濟貢醫卜曆博士

疫。○百濟使醫卜曆等博士遞番來。我日附送藥物。○十五年^{甲戌}百濟使至。筑紫請援兵。○夏遣內臣率舟師援百濟。伐新羅。拔函山城。○十六年^{乙亥}百濟王聖明為新羅所殺。王子餘昌使弟惠來告哀。○十七年^{丙子}惠歸藩。賜兵仗馬匹。發兵護送。別遣筑紫火君率兵守彌氏津。立餘昌。○二十二年^{辛巳}新羅使者入貢。班諸百濟之下。○二十三年^{壬午}春。新羅侵任那。毀我官府。秋。新羅貢調使至。拘留之。以紀男麻呂為大將率兵討新羅。我軍不利。軍人伊企儼為虜。所擒虜勸誘不屈。虜拔刀逼之曰。汝須言日本之將。餓我鬻肉。伊企儼大呼曰。新羅王餒予鬻肉。竟見殺。○以大伴狹手彥為大將軍率兵數萬伐高麗。大破之。俘獲甚衆。

○吳人智聰齋儒釋方書明堂圖及樂器等來○冬新羅入貢復拘留之○三十二年卯辛春遣使新羅詰其滅任那狀○夏四月天皇不豫召皇太子入卧内執其手曰朕欲征新羅復任那不果汝繼朕志死無恨遂崩壽帝性慈仁新舉田賑給窮民立為定制葬大和檜隈阪合陵

紀元一千二百三十一年
即位

僧尼寺工佛工
來

敏達天皇諱譯語田欽明帝第二子母皇后石姬宣化帝之女○元年辰壬以蘇我馬子為大臣與大連物部守屋執國政高麗遣使上表其表墨書烏羽人莫能讀焉王辰爾蒸而印諸帛字形可辨帝大嘉賞擢為近侍○四年己未遷都于譯田號幸玉宮○五年丙申立豐飯炊屋姬為皇后○六年丁酉百濟王獻經論及律師禪師比丘尼咒禁師造寺匠

新羅獻佛像

百濟使者德爾
伏誅

佛工○八年己亥新羅入貢並獻佛像○九年庚子新羅入貢卻不納○十年辛丑蝦夷掠邊境詔召巨帥綾糟等令責問之恐懼謝罪誓不復叛原歸部落○十一年壬寅新羅入貢復卻之○十二年癸卯百濟使者德爾有罪伏誅初我葦北國造阿利斯登在任那府生子日羅居百濟帝聞其才敕百濟徵之諮以討新羅復任那日羅曰服夷之道在培養國本何必動凶器事未節為當今之計上自臣連二造國造伴下至小吏節用薄歛訓士教民結以信義二年食足兵足然後多造舟艦列置海津大張聲勢使韓人見之乃遣才辨士使諸蕃明示恩威召其國王不來召其太佐平王子先服其心而問其罪百濟護送官猜其言國陰事

佛法始自茲

留德爾刺殺之。勅收德爾，鞠問，具服，賜之日羅宗族，誅之。
○十三年^{甲辰}馬子得百濟佛像二軀，造殿安之。佛法始自茲。
○十四年^{乙巳}春，大疫，民多死。物部守屋等奏劾，蘇我氏信佛法，惑民，致崇請焚寺塔，還俗僧尼。既而馬子寢病，請禱佛。帝曰：汝獨為之，勿惑他人。乃還與僧尼。馬子喜，復精舍。○秋八月，天皇崩。^壽葬河內磯長中尾陵。

紀元一千二百四十六年
即位

用明天皇諱橘豐日，欽明帝第四子。母堅鹽媛，蘇我稻目之女也。遷居于磐余，稱曰池邊雙槻宮。○元年^{丙午}夏，皇弟穴穗部隱謀不軌，殺三輪逆。初，皇弟欲烝皇太后，入殯宮，逆令衛士鎖宮門，皇弟遂不得入。因深憾，逆與守屋率兵圍其家，斬殺之。○二年^{丁未}夏四月，帝疾，詔欲歸佛物部守屋。

中臣勝海議曰：何背國神而敬他神乎？適皇弟延僧豐國入宮，守屋怒。既而聞馬子等欲害已，適阿都避之，迹見赤檮殺勝海。帝疾病，鞍部多須奈薙髮為僧，造佛像以祈禳焉。不驗而崩。^壽葬河內磐余池上陵。

紀元一千二百四十八年
即位

崇峻天皇諱泊瀨部，欽明帝第十二子。母小姊君，蘇我稻目之女也。○八月，天皇即位。初，繼嗣未定，守屋欲立皇弟穴穗部馬子，不可。遂與諸皇子謀，圍守屋，澁川第，守屋築稻城，拒之時，廐戶皇子束髮而隨軍後，作四天王像，置於頂曰：我勝敵，則必奉護世四王。馬子亦誓軍進討，破之。赤檮射殺守屋，守屋眾潰，炊屋媛皇后與群臣議，迎立天皇。天皇居于倉梯宮。○元年^{戊申}三月，百濟復獻佛舍利，及僧及

建法興寺

紀元一千二百五十七年

寺匠瓦工畫工等○建法興寺書後改號元興寺抄○
 二年己酉遣近江滿於東山道穴人雁於東海道阿倍枚吹
 於北陸道觀察東北國境○四年辛亥以紀男麻呂巨勢比
 良夫狹臣大伴嚙葛城鳥奈良為大將軍率兵二萬餘屯
 筑紫遣使於新羅新羅行成遂復任那○五年壬子冬十一
 月東漢駒弑帝壽初馬子負定策之功專肆驕縱帝甚惡
 之將加刑戮會有獻山猪帝指之曰何時如此猪斷朕所
 嫌之人有宮女失寵者聞之以告馬子馬子大懼遣東漢
 駒刺帝於內寢駒通馬子女馬子怒縛駒庭樹自射殺之
 曰是弑君之賊吾為行誅葬帝于大和倉梯岡陵
 推古天皇諱豐飯炊屋媛欽明帝女用明帝同母妹也初為

即位

太子攝政

建四天王寺

定冠位十二階
定憲法十七條

敏達皇后至是因百寮之勸進即位豐浦宮○元年丑癸立
 皇子廐戶為皇太子攝錄萬機馬子為大臣如故○九月
 建四天王寺於難波○二年甲寅詔皇太子興隆佛法群臣
 競造佛舍是謂寺○六年戊午秋新羅獻孔雀○八年庚申新
 羅侵任那遣境部臣等率兵萬餘擊新羅拔其五城復侵
 地既而又叛侵任那○十年壬戌春以來日皇子為征新羅
 將軍率兵二萬五千討新羅○十一年癸亥來日皇子至筑
 紫病薨更以當麻皇子代往不果行○帝遷在小墾田宮
 ○是歲始定冠位六品曰德仁禮信義智各有大小凡十
 二階明年賜群臣○十二年甲子定憲法十七條改制朝禮
 ○十三年丑丑詔皇太子造銅繡丈六佛像各一軀高麗獻

始遣使于隋

黃金三百兩。○十五年丁卯始通信於隋。以大禮小野妹子為使。○十六年戊辰小野妹子等至。自隋使裴世清與之俱來。既而入朝。帝饗諸朝。及其歸。復以妹子為大使。難波雄成為少使。率學生高向玄理。南淵請安。及僧日文等。往妹子至。明年秋而還。○二十六年戊寅高麗入貢獻。隋俘及賂駝。○二十八年庚辰敕皇太子大臣馬子等。錄天皇紀國紀。及臣連伴造國造等百八十部。○二十九年辛巳皇太子薨。諡曰聖德太子。太子生而聖智。及長。一聞十人。訴以無失。聽斷至是。長幼如亡。慈母哭泣之聲滿行路。○三十一年癸未新羅復侵。任那遣大德境部雄麻呂等將兵伐之。新羅降。○新羅任那入貢。隋醫慧日。福因及僧徒等隨來。○

錄天皇紀國紀等

置僧正僧都檢校僧尼不法

是歲自春至秋霖雨大水。五穀不登。○三十二年甲申有僧執斧歐祖父者。詔置僧正僧都。檢校僧尼不法。是時有寺四十六所。僧八百十六人。尼五百六十九人。○三十四年丙戌五月。蘇我馬子死。以其子蝦夷為大臣。○是歲天下大饑。盜賊蜂起。○三十六年戊子春三月。天皇崩。壽七十五。臨崩遺詔曰。比年五穀不登。百姓大飢。必勿厚葬。宜葬于竹田皇子陵。從之。書紀山陵在河內石川郡山田村。諸陵概要舒明天皇初號田村皇子。敏達帝孫。彥人大兄之子。母糠手姬。先帝臨崩遺詔。帝及故皇太子山背王。蘇我蝦夷欲立帝。諸大臣莫敢異議。獨境部摩理勢不可。遂殺之上。璽于天皇。○二年庚寅秋遣大仁犬上御田相等于唐。○冬遷飛

紀元一千八百八十九年即位

岡本官災

鳥岡謂之岡本官。○百濟王義慈使其子豐璋入質。○三年辛卯掖玖人歸化。○秋幸于有間溫泉。冬還宮。○四年壬辰唐使高表仁送御田耜等至。○五年癸巳高表仁等歸國使吉士雄麻呂等送至對馬。○六月岡本官災。帝遷居田中宮。○九年丁酉春蝦夷叛以大仁上毛野形名爲將軍討平之。○十二年庚子大設齋會講無量壽經于宮中。書紀○定斗升斤兩。扶桑略記○冬遷百濟宮。○十三年辛丑冬十月天皇崩葬滑谷岡後改葬大和押阪內陵。

紀元一千三百二年即位
帝親斷雨

皇極天皇諱寶敏達天皇曾孫押坂彥人大兄孫茅渟王女也。母吉備姬櫻井皇子之女。○元年壬寅帝即位。蘇我蝦夷爲大臣如故。○夏大旱。八月帝親祈於南淵河上。大雨。○

冬十二月遷小墾田宮。○二年癸卯夏四月遷飛鳥板蓋新

宮。○冬十月大臣蘇我蝦夷病于入鹿代行大臣事。謀廢

帝立舒明帝子古人大兄。獨忌山背王威名。○十一月遣

巨勢德太古將兵襲殺山背王。踰鷹宮。○四年乙巳夏六月

皇子中大兄與中臣鎌足及倉山田石川麻呂等誅蘇我

入鹿于大極殿。遣兵討蘇我蝦夷。蝦夷伏誅。初蝦夷密欲

廢帝立古人大兄。故殺山背王起第宅。僭擬宮城。皇弟輕

並稱病不出。潛謀匡濟而未敢。鎌足知中大兄皇子可與

有爲。會蹴鞠法興寺。皇子靴脫。鎌足跪奉之。由是得親近

終告。故惧其漏。同受經。南淵先生密議車中。倉山田石川

麻呂與入鹿有隙。因使皇子與結婚。又引佐伯子丸葛城

入鹿伏誅

網田爲援會三韓使至欲乘其際舉事帝御大極殿入鹿入侍皇子戒衛兵鎖官門聚衛士一所如將賜物自執長鎗隱戶側鎌足持弓矢從使子丸網田藏二劍貢櫃中而進倉山田前讀表將盡子丸等不敢發倉山田流汗聲顫入鹿怪問故對曰天威咫尺不覺乃爾皇子恐失機直入斫入鹿肩子丸斫其脚入鹿攀御座乞哀皇子伏奏曰入鹿剪滅宗室陰企不軌臣等謹爲宗廟誅戮逆臣帝起入內是日大雨潦水溢庭以席覆屍賜之蝦夷皇子入法興寺以兵自衛諸皇子大臣等皆來徑皇子令巨勢德太古將兵討蝦夷蝦夷悉焚圖書珍寶自殺○是月天皇讓位於輕皇子

紀元一千三百〇五年即

孝德天皇諱輕皇極帝同母弟也初皇極帝以中大兄有功

欲傳位中大兄以告鎌足鎌足曰古人殿下之兄不可越

次輕皇子殿下之舅也齒德俱高不如讓焉以答民望從

之輕讓於古人古人固辭入佛寺祝髮爲僧帝乃即位立

中大兄爲皇太子以阿倍倉梯麻呂爲左大臣蘇我倉山

田石川麻呂爲右大臣中臣鎌足爲內臣書置左右大臣

及內臣始于此公卿以僧日文按本書日文爲曼高向玄

理爲國博士○帝及皇祖母尊皇太子會召群臣於大槻

樹下爲盟改元曰大化年有號始此○大化元年己七月

高麗百濟新羅來貢百濟攝任那使事其數有關詔却之

遣栗隈東人觀察任那國界○詔問民所患苦右大臣石

始置左右大臣內臣

年號始于此

大化新制

川麻呂具狀以聞○八月設鐘置於闕聽有冤枉者投牒撞鐘○皇兄古人大兄謀反賜死○九月遣使諸國錄戶口○十二月遷都難波長柄曰豐碯宮○二年丙午正月賀正禮畢詔宣新制曰罷前代所置子代民處處屯倉及臣連伴造國造村首所有部曲田莊賜大夫以上食封官人百姓布帛各有差新定畿內國界修京師置國司郡司郡分大中小置大領小領主政主帳造戶籍制班田收授法定田畝行租庸調法○三月詔諸國司曰凡為人上者當先正己而後正人如不自正何能正人是以不自正者不擇君臣乃可受殃豈不慎哉○九月遣使徵新羅質罷任那調○三年丁未春正月觀射于朝○夏四月營小郡宮徙

造戶籍

定禮法

居焉○詔定禮法曰凡有位者寅時羅列南門外候日出就庭再拜乃侍于廳○罷難波渠役先是工人比羅夫建白鑿溝通水民苦其役有人投櫃諫之即日罷役○是歲制七色十三階之冠曰織繡紫錦青黑各有大小曰建武是名立身初位之冠也○四年戊申治磐舟柵置柵戶備蝦夷○五年己酉二月改增冠位制十九階定置八省百官○左大臣倉梯磨薨殺右大臣石川磨石川磨與弟日向不協日向讒其謀逆於皇太子太子奏遣兵圍之石川磨自殺太子後悟其寃奏貶日向為太宰帥○白雉元年庚戌春二月穴戶國獻白雉因改元復穴戶三年調役○二年辛亥六月新羅入貢卻之以使者著唐衣冠也書紀○秋七月右

定冠制

改增冠位置八省百官

白雉元年

白鑿溝通水民苦其役有人投櫃諫之即日罷役○是歲制七色十三階之冠曰織繡紫錦青黑各有大小曰建武是名立身初位之冠也○四年戊申治磐舟柵置柵戶備蝦夷○五年己酉二月改增冠位制十九階定置八省百官○左大臣倉梯磨薨殺右大臣石川磨石川磨與弟日向不協日向讒其謀逆於皇太子太子奏遣兵圍之石川磨自殺太子後悟其寃奏貶日向為太宰帥○白雉元年庚戌春二月穴戶國獻白雉因改元復穴戶三年調役○二年辛亥六月新羅入貢卻之以使者著唐衣冠也書紀○秋七月右

大臣大伴長德薨公卿補任○四年戊申以小山上吉士長丹為遣唐使○五年甲寅春以大錦上高向玄理為遣唐押使○授中臣鎌足紫冠益封戶○秋遣唐使與百濟送使共歸獻書籍寶貨○冬十月天皇崩壽闕先是皇太子奏請遷倭京未許太子奉皇祖母尊移居焉公卿多從之在位十年葬河內石川郡大阪磯長陵

齊明天皇皇極天皇重祚元年乙卯即位飛鳥板蓋宮中大兄為皇太子

紀元一千三百十五年即位

板蓋宮災

子巨勢德太古為左大臣中臣鎌足為內臣如故○冬十月飛鳥板蓋宮災帝徙御川原宮○二年丙辰造宮於飛鳥岡本號岡本宮遷居焉又造兩槻吉野二宮既而岡本宮災○三年丁巳秋七月設孟蘭盆會於飛鳥山西吐火羅人

比羅夫伐蝦夷

有間皇子伏誅

新羅亡百濟

漂泊筑紫遞驛召之○四年戊午四月阿陪比羅夫率舟師百八十艘伐蝦夷降之置淳代津輕二郡又伐肅慎獻生熊二羆皮七十○冬十月帝幸紀伊溫泉○菰我赤兄留守皇子有間有罪伏誅初赤兄舉時政三失語有間有間喜以為赤兄黨已因告密謀赤兄收執送行官賜死○六年庚申正月遣阿陪比羅夫率舟師二百艘伐肅慎○秋九月百濟遣使奏新羅借唐兵滅己國佐平鬼室福信招收散卒以圖恢復○冬十月百濟佐平鬼室福信遣使獻唐俘百餘人乞援且請迎王子豐璋為主詔許之○十二月帝幸難波宮詔救百濟令駿河造船艦○七年辛酉春正月車駕至筑紫○三月次磐瀨行宮○夏五月遷朝倉造行

立百濟王

宮名曰橘廣庭宮。○七月天皇崩于朝倉宮。壽在位前後凡十一年。皇太子奉粹宮還難波。○八月遣大率下阿曇比羅夫等救百濟。別令小山下秦田來津以兵五千護送百濟王子豐璋立為王。授織冠。○冬十一月殯于飛鳥川原。臨九日葬大和越智岡上陵。

紀元一十三百二十一年即位

天

智天皇諱中大兄初號葛城皇子。詔明帝嫡子。母皇極天皇。○元年壬戌春正月素服制軍國事。賜糧仗布帛於百濟。佐平鬼室福信據周留城進擊唐兵破之。走新羅兵。○五月又賜金策於鬼室福信。○二年癸亥春二月百濟貢獻唐俘。○三月遣上毛野稚子等將二萬七千人伐新羅。拔二城。既而豐璋猜福信專權殺之。群臣不附。書○八月唐將

百濟亡

改增冠位為二十六階

劉仁軌等水陸并力攻周留城。東國通鑑我兵拒之。白江口不利。退小山下。秦田來津死之。唐書明日復戰。敗潰豐璋弃城奔高麗。百濟亡。○九月我軍還。○三年甲子命皇太弟大海人改增冠位為二十六階。○夏五月百濟鎮將劉仁軌遣郭務悰進表獻物。○是歲置烽候防堡。壹岐對馬等國築筑紫水城。○四年乙丑以百濟佐平鬼室福信之功授鬼室集斯小錦下分處。百濟投化者男女四百餘人於近江。二千餘人於東國。○唐使劉德高等來修好。○五年丙寅秋大水免租調。○六年丁卯三月遷都近江。滋賀號大津宮。○冬十一月城大和高安。讚岐屋嶋對馬金田。○七年戊辰春正月天皇即位。書天皇至孝。殯先帝六年。至是登祚。一應管抄代要

水 越國獻然土燃

記

○秋七月。越國獻然土燃水。○冬十月。唐李勣伐高麗滅之。○新羅僧道行盜熱田神劍將奔其國。遇風雨晦冥迷歸。○十一月。遣使新羅。賜調船及絹綿章等物。○八年己三月。耽羅遣王子久麻伎貢獻。○冬十月。大職冠內大臣藤原鎌足薨。鎌足博學有器略。輔帝定大難。建制度。至是。車駕臨其第。問疾。就進官位。改賜姓。及薨。賜賻甚厚。○九年。庚午正月。定朝廷揖讓道路相避之禮。○二月。造戶籍。○十年。亂盜賊浮浪。○修高安城蓄糧。○城長門及筑紫。○十年辛未春正月。以皇子大友為太政大臣。○頒冠制法度。○唐百濟鎮將劉仁軌遣使上表。○夏四月。置漏刻鐘鼓。是帝在東宮時親所造也。○九月。天皇不豫。十月。疾甚。召皇太

臣 皇子為大政大

始置漏刻

弟屬後事。皇太弟稱病固辭。請為僧。聽之。即日剃髮。勅賜袈裟。皇太弟遂入吉野。在朝諸臣皆送至菟道而還。書紀立

皇子大友為皇太子。扶桑略記 ○十一月。左大臣赤兄等五人

奉皇太子於西殿。再盟帝前。○十二月。天皇崩。壽四十六。

本紀享年關今據節明紀年十六之文推之 帝嘗營行宮於筑紫朝倉山。材木

不斲。務從質樸。時人號曰木丸殿。帝為之歌。後世傳為歌

曲。十訓抄 帝好學。能文明。習治體。設庠序。定典禮。憲章文物

粲然可觀。懷風藻 後置十陵。隨世數遞除。以帝為中興之祖。

百世不除焉云。神皇正統記 葬山城宇治郡山科陵。延喜式

弘文天皇諱大友。初稱伊賀皇子。天智帝長子。懷風藻 母伊賀

采女宅子娘。○元年。壬申 春三月。遣使筑紫告國喪於唐使

紀元一千三百三十二年

大海人皇子舉兵

高坂王叛

郭務悰等停其入朝。○六月大海人皇子稱兵吉野東走美濃留兵塞鈴鹿道遣村國男依鱈部君手等塞不破道田中足麻呂塞倉歷大伴吹負在大和直應之帝分遣使諸國發兵入援穗積百足等與倭留守高坂王發兵庫輪甲仗于近江百足為吹負所誘殺高坂王叛降吉野高安城陷七月朝廷遣壹岐韓國大野果安拒吹負戰於乃樂山破之遣山部王與蘇我果安巨勢比等進向不破諸將不協相殺軍潰大海人遣伊勢兵助吹負與男依二道並進韓國敗走境部藥秦友足與男依戰敗皆死之吹負男依等合軍進至瀨田帝悉眾軍橋西官軍前鋒知尊撤橋拒之不利知尊死之犬養五十君谷鹽手等戰粟津死之

官軍大敗

紀元一千三百三十三年即位

諸大臣皆逃獨物部麻呂等從帝帝崩于山前書紀時年二十一
 十五懷風藻葬近江長等山陵書紀明治二年七月謚弘文天皇

天武天皇幼名大海人天智帝同母弟也生而岐嶷及壯雄武通曉天文及遁甲天智帝末年削髮人吉野時人語曰所謂翼虎放之弘文帝元年五月朴井雄奏曰朝廷救美濃尾張國司差山陵役夫令各執兵恐非唯為山陵必有事矣若不早圖噬臍無及也遂發兵克之議朝臣罪狀斬右大臣中臣金流左大臣蘇我赤兄御史大夫巨勢比等至大和論功行賞○元年癸酉春二月即位於飛鳥淨見原

始置不破關

官書紀○日本書紀以天武接天智之統故以壬申歲為元年今據大日本史以壬申歲屬弘文天皇以癸酉歲為天武天皇○七月始置不破關要記○二年甲戌對馬始即位元年

置兵政司

獻白金○三年_乙春正月建占星臺○置兵政司○定諸

國貸稅紀書○四年_丙春正月帝觀射于西門十七日大射

始于此師元年○定諸國司任格諸臣子弟及蕃人任進

懲紀須紀之制
始于此

格○秋九月為新嘗卜定國郡齋忌紀懲則尾張山田郡次

定律令式

須則丹波河沙郡並食○七年_己令親王諸臣貯兵馬○

九年_辛春二月詔王公群臣定律令式○立皇子草壁為

皇太子而攝萬機○三月詔川嶋忍壁二皇子撰帝紀及

定服色及禁式

上古諸事○詔定親王至庶人服色定禁式九十一條○

五月詔凡百寮黃緣官人恭敬過甚或納賄媚之者隨事

造新字

罪之○十年_壬三月勅造新字四十四卷○四月詔曰自

始結髮

今男女悉結髮○六月男女始結髮仍著漆沙冠○九月

停跪禮用立禮

勅停跪禮匍匐禮更用難波朝廷之立禮○十一年_癸二

月詔大津皇子始聽朝政○八月大伴吹負卒○十一月

習陣法

詔諸國習陣法○十二月遣使巡行天下定諸國疆域○

十二年_甲春三月帝巡行於京師定官地○夏閏四月令

親王及諸臣官無文武務習軍事具兵馬器械有馬者為

騎無者為卒以時檢閱闕者有罪○冬十月詔定臣民氏

族為八等○地大震伊豆西北更生一嶋廣袤凡三百丈

紀書○始用銅錢廢銀錢五事○十三年_乙更加爵位號諸

定朝服色

王以上十二階諸臣四十八階○秋七月定朝服色○九

朱鳥元年

月遣使諸道巡察國司郡司能否問民疾苦○朱鳥元年

丙五月帝不豫○秋七月詔諸國大赦減海內戶調之半

免徭役○九月天皇崩壽六十五葬大和檜隈大內陵

紀元十三百四十七年

持統天皇少名鷗野讚良天智帝第二女母遠智姬右大臣

即位

石川麻呂女為天武皇后天武之稱兵也常從行間與定

大津皇子反

謀議其即位立為皇后至是臨朝聽政○冬十月皇子大

津謀反捕而賜死○元年丁正月皇太子率百寮舉哀○

賜京師及篤癯貧困者綿綿有差○秋七月令諸國負債

在乙酉以前者莫收息既役身者勿量息役之○十二月

為天智帝設法會於崇福寺○二年戊子詔極刑減罪一等

始獻卯杖

輕罪悉赦復諸國今年調賦之半書紀○三年己正月乙卯

頒新令

大學寮獻杖八十枚卯杖始于此公事根源○夏四月皇太子

草壁薨○新羅使來弔○六月頒新令二十二卷於諸司

行儀鳳曆

始置女官

○秋八月黜諸國正丁四分講習武事○四年庚春正月

天皇即位大赦賜鰥寡孤獨及耆老者稻及布○夏四月

詔定服色八等○秋七月以皇子高市為太政大臣丹比

嶋為右大臣○冬十一月始行儀鳳曆○五年辛春正月

始置女官賜皇女內親王授內命婦等位階○夏自四月

至六月雨○六年壬辰春三月帝幸伊勢中納言三輪高市

麻呂上表切諫其妨農事又伏闕免冠切諫皆不納高市

辭官免車駕所過諸國調役賜國造冠位○夏閏五月大

水遣使稟貸遭災諸國弛山林川澤禁○七年癸巳春正月

漢人奏踏歌○三月詔諸國勸植桑苧梨栗蕪菁○冬十

二月遣陣法博士等講武諸國○八年甲午春三月置鑄錢

講武諸國

司○冬十二月遷居藤原宮書紀○十一年西春二月立皇

孫珂瑠為皇太子釋曰本紀時議儲群臣各有所主久不決葛

野王進奏曰皇朝之典子孫相承若兄弟相及亂之端也

有先太子之子珂瑠王在誰敢問焉弓削皇子欲有言葛

野叱之議遂定葛野弘文帝子也懷風藻○秋八月帝讓位

明年上尊號為太上天皇太上天皇之號始于此大寶二年十

二月崩壽五十八紹運錄代要記火葬飛鳥岡附檜隈大內山

陵

文武天皇小名珂瑠釋曰日本紀引天武帝孫岡宮天皇草壁

之子也母元明天皇西元年丁即位於藤原宮神皇正統記○

二年戊戌夏五月敕太宰府修大野等三城○秋七月始定

太上号始于此

紀元一千三百五十七年即位

流役小角於伊豆

答法禁游手博戲民○三年己未夏五月流役小角於伊豆

嶋續日本紀小角大和菟原人敏悟博學最好佛氏韓國廣足

從學害其能誣妖妄惑眾乃捕徙之○秋七月多褻夜久

菴美度感人來貢○四年庚子春三月僧道昭死遺言火葬

于栗原火葬始于此○夏六月勅淨大參忍壁親王藤原

不比等撰律令○大寶元年辛丑正月朔帝御大極殿受朝

賀蕃客陪位文物之美大備元日朝賀見孝德紀大化二年至是其禮大備故此後不

書○二月釋奠於大學寮○三月對馬貢金因改元○夏

四月始講新令使諸王百官就習之改官名位號服色停

賜位冠易以位記○五月五日帝觀五位以上調馬○是

歲除田租調○二年壬寅春二月始頒新律度量○秋八月

始火葬

大寶元年

講新令改官名位號服色

始頒新律度量

始關岐蕪道

始鑄諸國印
慶雲元年

定田租法

多叛。遣兵討之。○十月詔旌奕世孝順者，門閭舉戶給復。○冬十二月始關岐蕪山道。○三年癸卯正月朔廢朝。遣使七道省察政蹟，申理冤枉。○以三品忍壁親王知太政官事。○慶雲元年甲辰夏四月始鑄諸國印。○六月詔諸國兵士別分為十番，每番教習十日，令條之外勿得雜使。○二年乙巳夏旱大赦，免諸國調半。○五月知太政官事忍壁親王薨。○秋飢疫，遣使賑恤，給醫藥。○九月以二品穗積親王知太政官事。○三年丙午秋九月遣使七道始定田租法。○慶雲四年丁未夏六月天皇崩，續日壽二十五。懷風藻水鏡遺詔舉哀三日，凶服一月。火葬飛鳥岡，葬大和檜隈安古山陵。

紀元一千三百六十八年
即位

和銅元年

禁私鑄錢

古事記成

元明天皇小名阿閉。天智帝第四女母姪。右大臣石川麻呂女。帝初為岡宮天皇草壁之妃。文武帝崩，群臣奉遺詔，固請即位，乃聽。○和銅元年戊申春正月武藏秩父郡獻銅，因改元。大赦賑耆老，旌節孝，免武藏今年庸本郡調。○五月始行銀錢。○八月行銅錢，所謂和銅錢也。○二年己酉春正月禁私鑄錢。○秋八月廢銀錢。○冬十月初文武有遷都志，不果。帝即位，決議就役，因詔比者遷都動搖百姓，宜免今年田租。○三年庚戌三月徙都平城，續日置左右京坊。○秋詔凡衛士尪弱緩急不足用，專委長官簡点，勇敢每歲代易。○四年辛亥正月始置都亭驛，續日○五年壬子正月正五位上大安麻呂撰古事記成，奏上。○九月始置出

作諸國風土記

羽國。○六年丑癸夏四月。割丹波五郡置丹後國。割備前六郡置美作國。割日向四郡置大隅國。○詔諸國作風土記。

○七年寅甲二月。詔從六位上紀清人正八位下三宅藤麻呂撰國史。日本紀畧類聚國史○八年卯乙夏五月。詔諸國朝集使。諸

國百姓背本貫規避課役者。淹留踰三月者。卽土斷輸調庸當從國法。又詔諸國郡司治殿最爲三等。致百姓流亡

十人以上者。解見任。○秋七月。知太政官事穗積親王薨。

○九月帝禪位於永高內親王。養老五年十一月崩。壽六十一葬大和椎山陵。

元正天皇諱永高。一名新家。日本紀文武帝之姊也。神祕深

沈言。必典禮爲內親王。至是卽位。改元。○靈龜元年卯秋

十一葬大和椎山陵。

元正天皇諱永高。一名新家。日本紀文武帝之姊也。神祕深

沈言。必典禮爲內親王。至是卽位。改元。○靈龜元年卯秋

紀元一千三百七十五年
卽位
靈龜元年

養老元年

九月。尊先帝曰太上天皇。○十月。詔戒諸國司。○二年丙辰

夏四月。割河內大鳥和泉日根三郡置和泉監。○養老元

年丁巳秋九月。帝幸美濃。得多度山醴泉。大赦旌孝義。改元。

○二年戊午夏五月。割越前國四郡置能登國。割上總四郡

置安房國。割陸奧十一郡以六郡爲石城國。五郡爲石背

國。是歲敕右大臣藤原不比等修律令。小鏡令○三年己未

春二月。令天下百姓右襟。職事主典已上執笏。○夏六月

令皇太子始聽朝政。○秋七月。始置按察使。巡省諸國。○

十二月。定婦女衣服制。○四年庚申夏五月。一品舍人親王

上日本紀。○秋七月。以舍人親王知太政官事。○八月。右

大臣藤原不比等薨。贈太政大臣。諡文忠。追封淡海公。四

令百姓右襟
始置按察使

日本紀成

子武智稱南家房前稱北家宇合為式部大夫稱式家麻呂為左京大夫稱京家○五年辛酉春三月免畿內調七道役○八年甲子春二月帝禪位於皇太子天平二十年四月崩壽六十九火葬佐保山陵後改葬大和奈保山陵

紀元一千三百八十四年
即位
神龜元年

聖武天皇諱美麻斯或云首文武帝子也母夫人藤原氏右

大臣不比等女○神龜元年甲子二月天皇即位改元尊先

帝曰太上天皇益一品舍人親王封五百戶知太政官事

如故○陸奧蝦夷叛詔以式部卿藤原宇合為持節大將

軍討之令阪東九國兵三萬教習騎射○五月以從五位

上小野牛養為鎮狄將軍鎮撫出羽○冬十月行幸紀伊

詔改稱廣為明光浦○十一月太政官奏京師士民板屋

渤海國始來聘

天平元年

草舍難營易破請五位以上及庶人力堪營辦者以瓦葺

塗丹堊奏可是月宇合等還續曰○是歲始築多賀城賀多

碑城○五年戊辰始置內匠寮及中衛府○渤海國始遣使來

聘○天平元年己巳春二月殺左大臣長屋王續曰王高市皇

子之子神任好文詩多交遊有告其謀不軌發兵圍其第賜

死○三月大夫枋本人丸卒年○夏六月左京職獻龜背

有文曰天皇貴平知百年因改元○二年庚午夏四月始置

皇后官職施藥院○三年辛未冬十一月始置畿內總管諸

道鎮撫使○四年壬申春正月帝始冕服受朝○夏早秋發

遣唐使續○五年癸酉秋七月始令大膳職備盂蘭盆供著

為恒典公事根源○七年乙亥冬十一月知太政官事舍人

始置皇后官職
施藥院
置鎮撫使

始置國分寺

藤原廣嗣及伏

親王薨。○是歲遣唐使還。學生吉備真備、僧玄昉等偕歸。獻聖像及十哲像及曆樂書佛經等。○九年丁丑春正月遣持節大使藤原麻呂等於陸奧、關直路達出羽。○三月詔每國造佛像三軀寫大般若經一部。續紀始置國分寺。元

釋書○秋九月以從三位鈴鹿王知太政官事。○十一年己卯冬遣唐副使平郡廣成以渤海國聘使而還。○十二年庚辰冬太宰少貳藤原廣嗣伏誅。先是僧玄昉有寵於太后。詔賜紫袈裟為僧正居之內道場。占昔物語吉備真備為中官亮不敢言。廣嗣請誅二人。帝不納。使廣嗣外任。廣嗣妻有色。玄昉欲姦之。不可。書告廣嗣。廣嗣大怒遂叛。松浦社乃遣大野東人等將兵一萬七千討之。廣嗣發兵一萬至板櫃。

天平感寶元年 陸奥貢黃金

川造後欲濟官軍先鋒佐伯常人發弩卻之呼曰從叛賊者誅三族。廣嗣下馬拜曰非敢反欲清君側耳。常人曰矯詔發兵非叛而何。廣嗣不能對。上馬退。眾皆潰散。廣嗣奔松浦。擒斬之。及其弟綱手。○十三年辛巳正月始遷恭仁宮。勅名新京曰大養德恭仁大宮。○十四年壬午正月廢太宰府。○秋造近江紫香樂宮。○十五年癸未冬置筑紫鎮西府。以從四位下石川加美為將軍。○十六年甲申春二月營難波宮遷居焉。○十七年乙酉夏五月還平城。○六月復置太宰府。○秋九月知太政官事鈴鹿王薨。○冬十一月配僧玄昉於筑紫。檢造觀音寺。○天平感寶元年己丑春二月陸奥守百濟敬福貢黃金。○夏四月天皇率皇后太子及百

官行幸東大寺拜佛改元○以大納言藤原豐成爲右大臣○秋七月帝禪位於皇太子帝篤崇佛法敬信僧行基等自稱三寶奴又從唐僧鑑真受菩薩戒天平勝寶八載五月崩壽五十六葬大和佐保南陵

孝謙天皇諱阿倍聖武帝之女母皇后藤原氏右大臣不比

紀元一千四百九年即天平勝寶元年

置紫微中臺

日太上天皇始置紫微中臺○八月以大納言藤原仲麻呂兼紫微令○四年壬辰春三月祭天下今年殺生○四月

行幸東大寺慶廬舍那佛大像百官儀衛一同元日召僧

一萬設齋會紀續○六年甲午夏四月行幸東大寺受菩薩戒

改年爲載

日本高僧傳○七年乙未春正月改年爲載○八載丙申夏五月太

天平寶字元年

上天皇崩遺詔以中務卿道祖王爲皇太子太子新田部親王子天武帝孫也○天平寶字元年丁酉春三月廢皇太子○四月立大炊王代之王舍人親王子善大納言仲麻呂得其女寡居者爲妃故仲麻呂立爲儲貳右大臣豐成爭之不得○詔令天下家藏孝經一本誦習之○五月始置紫微內相以大納言仲麻呂任之○秋七月左大辨橘奈良麻呂謀廢立事覺下獄捕其黨黃文王道祖王安宿王大伴占麻呂小野東人大伴古慈悲等鞠問處罪貶豐成爲太宰員外帥○改載復年○二年戊戌秋八月傳位於皇太子

稱載爲年

紀元一千四百十九年即

淳仁天皇諱大炊天武帝孫崇道盡敬皇帝舍人第七子也

位

改易官制太政
官為乾政官三
大臣曰大納言
曰御史大夫中
衛大將曰大尉
紫微中臺為坤
官官

鑄金銀銅錢

光明皇后崩

母夫人當麻氏上總守當麻真人老女○天平寶字二年
戊秋八月即位於大極殿奉尊號於上皇曰上臺寶字稱
德孝謙皇帝尊太后曰中臺天平應真仁正皇太后○勅
紫微內相藤原仲麻呂等改易官制以仲麻呂為大保賜
姓名惠美押勝○冬十月勅國司交替以六年為限加舊
制二年每至三年遣巡察使檢校治績○十二月勅太宰
府嚴防西海小野田守使渤海還始奏唐有安祿山之亂
也○三年己亥夏六月追尊皇考曰崇道盡敬皇帝○冬置
授刀衛○四年庚子春正月以大保惠美押勝為大師○二
月鑄新錢金錢文曰開基勝寶銀錢曰太平元寶銅錢曰
萬年通寶○六月天平應真仁正皇太后崩名曰光明后

廢儀鳳曆行大
衍曆

后素好佛嘗勸聖武帝每國造國分寺又造金銅大像又
置悲田施藥二院以恤餓病者云○五年辛丑秋七月以巡
察使奏令筑紫七國造鐵刀弓箭以修警備○十月以修
平城宮徙在近江保良宮○十一月以惠美朝獺為東海
道節度使百濟敬福南海道使吉備真備西海道使點船
三百九十四艘兵四萬七百習騎射陣法○六年壬寅夏六
月太上天皇召五位以上於朝堂詔曰國家大事賞罰二
柄朕親決之小事啓天皇○七年癸卯春正月渤海來貢○
二月新羅貢調御之○秋八月廢儀鳳曆行大衍曆○九
月以僧道鏡為少僧都道鏡弓削氏先是入內道場有寵
於上皇帝屢以為言故與上皇有隙○八年甲辰秋九月押

押勝及伏誅

勝謀反伏誅初押勝得上皇寵及道鏡入侍寵稍衰乃諷上皇為都督兵事使用乾政官印徵諸國兵士將誅道鏡幽上皇大外記高丘比良麻呂密上變上皇遣少納言山村王收鈴印詔削押勝官位族姓遣兵守三關其夜押勝奔近江官兵直取田原路先至燒勢多橋押勝驚遽趨高鳴從卒有數千奉鹽燒王為主上皇敕藤原藏下麻呂將兵討之押勝乘船逃風逆還三尾為官軍所獲斬鹽燒王亦被殺以道鏡為大臣禪師召還藤原豐成復為右大臣押勝所改官名悉復其舊○冬十月上皇遣兵部卿和氣王等以兵圍中宮院廢天皇為淡路公天皇惶遽不及衣履步至圖書寮西北受宣詔徙淡路幽之一院天平神護

元年十月公不勝幽憤踰垣逃為追兵所獲明日崩於院中續紀壽三十三神皇正統記寶龜三年八月改葬淡路國三原郡加集中村九年三月救墓名山陵續日本紀明治三年七月追諡淳仁天皇

稱德天皇孝謙重祚既祝髮歸佛至是再臨朝○天平神護元年

紀元一千四百二十五年
即位
天平神護元年

道鏡為太政大臣禪師

己春二月改授刀衛為近衛府始置內廐寮○八月參議兵部卿和氣王謀反伏誅粟田道麻呂大津大浦石川永年等坐其黨遠竄○閏月以道鏡為太政大臣禪師令文武百官拜賀○十一月右大臣豐成薨○鑄錢文曰神功開寶○二年丙午夏六月大隅海潮立一嶋新出○十月授太政大臣禪師道鏡法王位在正一位上○神護景雲元

神護景雲元年

稱孔子以文宣王

年春二月帝幸大學釋奠○二年戊申秋七月大學助教
 膳臣大丘請稱孔子以唐所追諡文宣王從之○三年己酉
 夏五月不破內親王坐巫蠱放于京外流永上計志麻呂
 於土左○秋八月詔遣從五位下和氣清麻呂於宇佐宮
 復命謫之大隅先是太宰府主神阿曾麻呂阿諛道鏡託
 神勅上言曰禪位道鏡天下大平因有此命道鏡召見語
 以禍福清麻呂出紀續遇其友路豐永豐永曰子此行所係
 極大勉旃道鏡得天位吾當與子從伯夷游耳清麻呂曰
 吾生死以之便還奏神語曰開闢以來君臣分定矣敢萌
 非望者速加誅戮道鏡大怒斥為矯誣更姓名別部穢麻
 呂處流使人殺之途會敕使來獲免參議藤原百川為分

宇佐人神託言

俸資給日本後紀○十月幸飽浪宮遂幸由義宮○四年庚戌八
 月天皇崩于西宮先是幸由義宮覺聖躬不豫既歸不見
 群臣百有餘日至是竟不痊帝深信佛教營作伽藍屢興
 力役國用不足政刑峻急殺戮濫加在位前後合十六年
 崩年五十三葬大和高野山陵

紀元一千四百三十年即

光仁天皇諱白壁天智帝之孫春日宮天皇施基第六子也

母紀氏贈太政大臣諸人之女天平勝寶以來國家無儲
 副押勝道鏡相繼竊弄威權忌害忠良帝時歷官納言寬
 仁為眾所歸因懼禍及縱酒自晦及先帝崩大臣奉迎遂
 登祚○寶龜元年庚戌秋八月貶僧道鏡為造下野藥師寺
 別當流其弟弓削淨人及淨人子廣方等於土佐○九月

寶龜元年

阿倍仲麻呂卒于唐

召還和氣清麻呂。○冬十月大赦天下。賑贍孝義及高年厄窮者。免天下今年田租。○十一月追尊皇考曰春日宮天皇。○是歲阿倍仲麻呂卒于唐。仲麻呂中務大輔船守子也。性聰敏。年十六。選為遣唐留學生。更姓名曰朝衡。遂仕于唐。續玄宗授左補闕。至秘書監。唐勝寶中。藤原清河至唐。玄宗命仲麻呂接伴。及清河還。仲麻呂欲與歸。王維李白等贈以詩。遇颶風。漂泊安南。後與清河復至唐。日本為左散騎常侍安南都護。累遷北海郡開國公。唐然思歸不止。嘗望月為歌。後世傳為絕唱。至是而卒。古今集抄。○二年春正月立他戶皇子為皇太子。○三年春渤海來貢。以表文無禮卻之。○皇后井上太子他戶有罪廢為庶人。

蝦夷叛

益京官俸祿

天長節之始

他戶乃后所生也。○四年癸春正月立皇子中務卿山部親王為皇太子。續紀參議藤原百川欲立之。公卿中頗有異議。帝意未決。百川執奏數日不退。終得救裁。水鏡。○三月天下穀貴。議定常平法。遣使七道糶穀賑民。其賤賣私指者授位。○五年甲秋。蝦夷叛。敕鎮守將軍大伴駿河麻呂討之。○六年乙秋。先是京官祿薄。不免饑寒。國司利厚。故眾望外任。割諸國公廩四分一。益京官俸祿。○九月勅曰。十月十三日。是朕生日。每至此辰。感慶兼集。宜內外百官賜脯宴。仍名此日為天長節。○七年丙辰。免陸奧今年田租。配陸奧出羽囚俘於筑紫及讚岐。○十一年庚申春正月。賜天下今年田租。○三月陸奧夷反。殺按察使紀廣純。蝦夷大

天應元年

亂乃以中納言藤原繼繩為征東大使以討之○天應元年辛酉春正月詔與民為賊所誣誤歸順者給復三年兵士從役免今年田租至八月蝦夷平○三月帝不豫○四月讓位皇太子冬十二月帝崩年七十二葬於廣岡山陵後延曆五年改葬大和田原東陵

紀元一千四百四十二年
即位

始置中官職
延曆元年

桓武天皇諱山部光仁帝長子也母皇太后高野氏贈太政大臣乙繼之女天應元年夏四月即位尊先帝曰太上天皇立皇弟早良親王為皇太弟賜天下今年田租○五月始置中官職○延曆元年壬申閉正月永上川繼謀叛以山陵未乾免死流伊豆三嶋配母不破內親王淡路○四月詔罷造官救旨二省法華鑄錢兩司以儉省財費○二年

禁私立寺

避御諱

廢皇太子流淡路

癸亥六月敕曰京畿定額外禁私立寺捨田宅及賣易入寺犯者主典以上解見任其餘杖八十○詔阪東諸國發倉賑給貧民○三年甲子夏六月遣使長岡經始都城○十一月帝徙長岡宮○四年乙丑夏五月詔避御諱續紀○秋七月刑部卿淡海三船卒三船弘文帝玄孫賜姓淡海為大學頭孝謙帝朝奉敕定神武以來列帝諡號釋日本記○秋九月盜射殺中納言藤原種繼詔廢皇太弟流淡路誅左少辨大伴繼人初帝幸平城種繼留守屬督新京工役夜照炬催作有人自暗中射殺之帝還宮救索賊收獲繼人等數人詞連太弟敕誅首惡其餘貶竄太弟絕食薨日本紀後追諡崇道天皇○五年丙寅夏五月詔以京邑草創民未

帝親祈雨

僧最澄創延曆寺

廢三關

豐贍賜左右京及東西市物有差。○秋七月太政官院成百官始就朝位。○七年戊辰夏四月帝祈雨自去冬不雨至是月帝沐浴出庭禱俄而澍雨群臣舞蹈。○秋以參議中衛大將紀古佐美為征東大將軍續紀發阪東諸國步騎五萬二千八百餘伐蝦夷。○是歲僧最澄創根本中堂於比叡山後賜號曰延曆寺水鏡。○八年己巳春三月阪東兵會多賀城分道征蝦夷副將軍八間廣成等遣前軍度衣川陷伏敗走裨將高田道成會津壯麻呂大伴五百繼等死之軍遂大亂死傷者三千餘古佐美等僅以身免九月還京師救責罰敗軍之罪。○是歲廢伊勢美濃越前三關。○九年庚午冬十月復置鑄錢司。○十年辛未秋七月以大伴弟麻

續日本紀成
遷都山城曰平安京

呂為征夷大使阪上田村麻呂等為副討蝦夷續紀。○八月

盜燒大神宮即奉幣謝之。○十一年壬申秋七月敕禁葬儀

踰制三代格。○詔諸學士學漢音。○十二年癸酉正月遣使于

葛野郡宇太村相地營宮城課諸國造官門日本紀。○改攝

津職為國類聚三。○十三年甲戌八月先是敕右大臣藤原

繼繩等修國史至是成上之類聚國史。○冬十月車駕遷新京

詔曰今此山背山河襟帶自然作城宜改山背為山城國

子來之民謳歌之輩異口同辭號曰平安京今宜從之日本

紀於是造土偶人長八尺衣甲冑手弓箭埋諸東山以鎮

護京師號曰將軍塚天下有事輒震動。○十一月詔增置

越前水田一百二町於大學寮曰勸學田。○十四年乙未春

頒令格

正月征夷大使大伴弟麻呂等凱旋。○十五年丙子三月敕諸國舉武技出眾者。○秋九月山城河內置烽燧。○鑄新錢。文曰隆年永寶。日本紀畧 ○十六年丁丑夏六月詔頒彈正尹神王等所刪定令格四十五條于有司。類聚國史 ○禁諸司喪期未滿私著吉服。○以遷都免諸國今年租。○秋七月敕嚴男女之別。○是歲罷筑前國司隸太宰府。三代格 ○十八年己卯春二月民部卿兼造宮大夫美作備前國造從三位和氣清麻呂薨。清麻呂右京人。為人抗直。有匪躬之節。歷事稱德光仁及帝。練達庶務。尤明古事。撰民部省例二十卷。又撰和氣譜。闢義田於備前。永充振給。鄉民賴之。及薨。帝賜以田。傳之子孫。贈正二位。日本後記 ○十九年庚辰二月禁

和氣清麻呂薨

始開宮根路

民輸錢求爵。三代格 ○是歲富士山焚。○二十年辛巳春二月監試對策。經國集 ○秋九月蝦夷酋高麻呂入寇。至清見關。遣征夷大將軍田村麻呂討蝦夷。平之。○二十一年壬午春遣田村麻呂城陸奧。膽澤配東國。浮浪四千人。戍之。夷酋大墓公磐具公率眾五百來降。○是歲新開宮根路。以富士山焚。沙石壅足柄路也。已而復舊。○二十三年甲申春三月遣使于唐。○二十四年乙酉秋遣唐使還。○冬十二月召公卿議政事得失。停兵役營造。○是歲最澄始開天台宗。諸宗開基表 ○二十五年丙戌春三月天皇崩。壽七十。日本後記 葬山城柏原陵。

紀元一千四百六十六年

平城天皇諱安殿桓武帝嫡子也。母皇后藤原氏內大臣良

即位
大同元年

即位
大同元年

古語拾遺成
禁淫祀

繼女也。○大同元年。丙夏五月。帝即位。始置六道觀察使。
 ○六月。敕諸王及五位以上。子孫十歲已上。皆入大學。分
 業教習。○八月大水。日本紀○冬十月。改葬桓武天皇。以山
 陵為水壞。是日素服舉哀。類聚國史○二年。丁二月。從五位齋
 部廣成。上。古語拾遺。古語拾遺○四月。改近衛府為左近衛府。
 中衛府為右近衛府。○九月。敕禁巫覡淫祀。○冬十一月。
 殺皇弟中務卿伊豫親王親王。在桓武時。怙寵。帝立。稍仰
 之。藤原宗成。因勸謀不軌。事泄。其舅大納言藤原雄友。告
 之。右大臣藤原內麻呂。親王惶遽。奏宗成。宗成言。親王首
 謀。上怒。左近衛中將安部兄雄。諫之。固保親王無他。上不
 聽。詔削屬籍。并其母幽之。不通飲食。貶雄友宗成等。親王

大同類聚方成

與母並仰藥死。日本紀○三年。戊夏五月。衛門佐安倍真直。侍
 醫出雲廣貞等。上大同類聚方一百卷。○諸國飢疫。詔免
 今年調。國司親巡鄉邑。藥療營救。○四年。己春二月。勅倭
 漢摠歷帝譜圖。天御中主尊。標為始祖。如魯王。吳王。高麗
 王。漢高祖等。接其後裔。倭漢雜糅。敢垢天宗。愚民迷執。輒
 謂實錄。且諸司官人等。所藏皆進。若有挾情。隱匿乖旨。不
 進者。事覺之日。必處重科。日本後紀○夏四月。天皇不豫。傳位
 於皇太弟。天長元年七月。崩。壽五十一。葬大和楊梅陵。類聚

國史曰
本紀畧

嵯峨天皇。諱神野。文德實錄平城帝同母弟也。夏四月。即位。以皇

紀元一千四
百七十年即
弘仁元年

姪高岳親王為皇太子。○弘仁元年。庚春正月。始置藏人

始置藏人所

藥子仲成作亂
伏誅

所頭二人。○秋九月。藤原仲成反。奉上皇走東國。詔以右近衛大將阪上田村麻呂為大納言。率兵塞故三關口。誅仲成及其妹藥子。初藥子故中納言種繼女。早寡有二女。上皇在東宮。納其長女。併近藥子為桓武所逐。及即位。復召為尙侍。巧媚無言。不聽。其兄仲成。又有寵。凌辱公卿。以帝稔知其奸。惧不自安。至是勸上皇遷都平城。因復位。中納言藤原葛野諫不聽。乃以田村及藤原冬嗣為造宮使。物議洶然。帝恐田村為上皇用。遽進其爵。詔暴藥子等罪。惡遣使告相原山陵。收仲成及其黨文屋綿麻呂于左衛士府。上皇怒。聚畿內紀伊兵與藥子同輩。赴東國宿衛。皆從。帝遣田村將兵邀之。美濃路田村知綿麻呂可用。奏釋。

賀茂齋之始

姓氏錄成

之偕行。上皇衆聞之。潰還宮。薙髮藥子。仰藥死。詔誅首惡仲成。其餘從東走者。不問。日本後紀 ○廢皇太子為僧。立皇弟大伴親王為皇太弟。類聚國史 ○是歲始以皇女有智子內親王為賀茂齋。禱與上皇輯睦。加茂齋始此。貴女抄 ○二年辛卯夏五月。大納言兼右近衛大將阪上田村麻呂薨。○秋七月。蝦夷叛。文屋綿麻呂任征夷大將軍討之。○三年壬辰夏四月。敕糺僧尼無行者。新 ○四年癸巳冬十一月。敕夷倖之性。異於平民。雖從朝化。未忘野心。是以令諸國司厚教喻。類聚國史 ○五年甲午五月。賜皇子信弘常明四人及皇女四人。源朝臣。姓錄 氏。○七月。萬多親王等上姓氏錄。本書奏表 ○大有年。○七年丙申秋八月。大風。羅城門倒。記 ○是歲僧空海。

僧空海開真言宗建金剛峯寺

始倡真言宗諸宗開基表創道場于高野山是謂金剛峯寺代

皇記○九年戊戌三月公卿奏以水旱相繼暫省臣等封祿以

資公用俟年稔復舊許之又詔省減服御常膳○詔禮制

改諸門題榜

一準唐儀○夏四月改殿閣諸門號題榜之記命僧空海

書南門榜橘逸勢書北門榜東西門帝自書之江談抄○十

一年庚子春配遠江駿河新羅人作亂掠伊豆穀泛海遁二

國司不能制發相模武藏兵追討平之日本○夏四月大

弘仁格成

納言藤原冬嗣等上弘仁格本書詔施行海內貞觀格○十

四年癸卯春割越前國二郡置加賀國○京都米價騰貴發

穀倉院減價糶之○夏四月帝將傳位皇太子懇諭曰朕

既待大弟猶子以後太弟遇朕亦猶子耳太弟固辭不許

紀元一千四百八十四年

淳和

即位天長元年

淳和天皇諱大伴嵯峨帝弟也母贈皇太后藤原氏贈太政

始置天台座主

大臣百川之女即位尊先帝曰太上天皇○天長元年甲辰

夏六月以僧義真為天台座主始于此天台座主記○七

月公卿奏陳六條議政治三代格○二年乙巳冬十月置施藥

院使○召大學諸生紫宸殿討論經史著為恒例類聚○

定親王任國

三年丙午秋七月左大臣冬嗣薨冬嗣性弘裕才兼文武嘗

始造水車

新撰格式成
秘府畧成

令義解成

陸上野為親王任國特曰太守○六年己酉五月敕諸國造水車三代格○七年庚戌秋大納言兼右近衛大將良岑安世

薨安世桓武子賜姓良岑善騎射多技藝及長始讀孝經

嘆曰名教之極其在茲乎遂專勉學為名臣補任○冬大納

言藤原三守等上新撰格式紀畧○八年辛亥秘府畧成文德實錄

○九年壬子夏旱祈禱無驗詔罷作役錄囚徒大雨○十年

丑春二月令義解成初藤原不比等等作令歷年已久學

者互有異同帝敕右大臣清原夏野與諸儒臣論辨折衷

至是成上之義解序○帝禪位於皇太子承和七年五月崩

壽五十五歷代皇紀遺詔火葬碎粉御骨散山城大原野西

山嶺上續日本後記

紀元一十四
百九十四年

仁明天皇諱正良嵯峨帝第二子也母皇后橘氏贈太政大

臣清友之女也三月即位立上皇子恒貞親王為皇太子

上皇辭不聽○冬始置檢非違使○承和元年甲寅春正月

公卿表賀慶雲勅不受○二年乙卯春鑄新錢文曰承和昌

寶○秋七月御紫宸殿始令正四位下菅原清公侍講後

漢書○五年戊午冬十二月流遣唐副使小野篁于隱岐先

是參議藤原常嗣為大使篁為副使常嗣見篁船堅善奏

換之篁不平以家貧親老身亦疾辭不往作西道謠刺朝

政竟見貶○六年乙未秋七月令畿內國司勸種蕎麥○七

年庚申春二月召還流人小野篁○夏四月灌佛於清涼殿

灌佛始于此○六月旱疫下詔罪已減服御常膳絕左右

始置檢非違使
承和元年

清涼殿灌佛始
于此

日本後紀成

馬寮秣穀停作役非要者檢出寃獄諸國有水之處令百姓灌溉先貧後富賑贍窮民穀藥免畿內七道承和二年以往調庸未進者除東海東山山陽驛戶租三年詔下大雨續後紀○八年辛酉十二月左大臣藤原緒嗣等上日本後紀類聚國史○九年壬戌秋七月廢皇太子恒貞流東宮帶刀伴健岑于隱岐但馬權守橘逸勢于伊豆恒貞幼才慧長好學有才名自以位處危疑作表冀微太伯劉強不許健岑等謀曰二上皇登遐太子不得安宜奉走東國嘗竊語之阿保親王親王告之嵯峨太后太后白之帝敕六衛府戒嚴宮門遣兵收健岑等處竄太子憂惧又抗表辭位帝優答不許既而有飛書語關太子帝遂遣兵圍太子直曹太

嘉祥元年

赦放囚徒

紀元一十五
百一十
年印

于安然謂左右曰吾知有此事久矣降為親王持戒不近妃嬪○十年癸亥十二月文屋宮田麻呂謀反發覺竄伊豆○嘉祥元年戊辰夏五月太宰府獻白龜改元○更鑄錢文曰長平永寶○二年己巳夏霖雨開倉賑恤飢民○冬十二月帝巡視京城至囚獄司問是誰家右大臣藤原良房奏曰囚獄司帝憫然因赦盡放囚徒群臣皆呼萬歲○三年庚午春三月帝崩壽四十一帝敕哲聰明苞綜衆藝最好經史兼愛文藻工射善書淳和帝工草書帝妙得其法人不能別也遣遣制薄葬葬山城深州山陵

文德天皇諱道康仁明帝長子也母皇太后藤原氏左大臣冬嗣之女○夏四月天皇即位詔曰易月之制雖由舊章

檀林皇后崩

仁壽元年

詔勸農桑

臣子之道。須存心喪。期年之內。禁宴飲。作樂。及著美服。○
 五月。嵯峨皇太后孀氏崩。后。仁明帝母也。嘗與弟右大臣
 氏公。議建學館院。聚生徒。世以比漢鄧后。又信佛。建檀林
 寺。稱檀林皇后。文德實錄 ○仁壽元年。辛未秋大水。詔免京畿今
 年調。○二年。壬申春。詔曰。頃年諸國所告。不堪佃居多。由有
 司不勤地利。不重民命。甚非所以委付黎元也。凡治田。克
 勤則畝益三斗。不勤則損亦如之。况廢而不耕乎。一畝不
 耕。一戶受飢。既多不耕之地。何少受飢之人。古者州郡長
 春行田。若有不耕課。而田之獲者。公私半之。自今國郡司。
 親自巡視。修繕池堰。勸課耕種。褒勤督懈。類聚國史 ○冬十二
 月。參議左大辨小野篁。參議岑守子。岑守為陸奧守。

齊衡元年

天安元年

篁隨父赴任。習騎射。嵯峨帝聞而惜之。乃折節為學。嘗讀
 書。下野足利鄉置校。其藏書傳。至後世云。○齊衡元年。戊甲
 夏。陸奧奏。比年不登。戍兵逃亡。盜起。請發援兵二千備之。
 敕許一千。且以致騷擾。本由飢困。給穀一万石。賑俘夷。○
 秋。給復陸奧一年。○二年。乙亥二月。詔右大臣藤原良房參
 議春澄。善繩等修國史。○天安元年。丁丑春。敕造新曆。○右
 大臣良房為太政大臣。○夏。復相阪關。新置大石龍華二
 關。○前彈正大弼藤原衛卒。衛內麻呂子。七歲入學。十八
 以文章生。及第。出入四朝。為國司。為政寬簡。民悅服。為法
 官。貴戚側目。○二年。戊寅夏。大水。穀倉院出穀。民部廩院出
 米。大膳職出鹽。賑被水窮民。○秋八月。帝崩。壽三十二。帝

自登極留心政事專思昇平之化然禁網漸密憲法頗峻論者以比漢明帝云葬山城真原山陵文德實錄後改陵名曰

田邑三代實錄

清和天皇諱惟仁文德帝第四子也母皇太后藤原氏太政

紀元一千五百十九年即位

貞觀元年

大臣良房之女冬十一月天皇即位時年九歲十二月始

建八幡祠於男山

定十陵四墓獻歲尾荷前之幣○貞觀元年卯春二月赦

天皇始受經

諸國修理神社○五月至秋八月雨不止實錄○是歲祠八

幡大神於山城男山石清水緣起○二年庚辰春二月帝始讀孝

頒釋奠式

經後以為恒例○冬十一月朔日南至公卿表賀大赦加

主典以上爵一級冬至實在二日太政官使移在朔以閏

十月小為大○十二月新修釋奠式頒七道諸國○三年

行宣明曆

辛巳夏六月行宣明曆○是歲鑄錢文曰饒益神寶○四年

壬午夏四月大雨詔參議以上令論政時之得失○五月以

海賊公行奪備前貢米使山陽南海二道追捕之三代實錄○

天皇冠禮始于此

六年甲申春正月天皇元服大江音人參酌唐禮修定其儀

天子冠禮始于此中右記

殿第觀花山城守紀今守率郡司百姓行耕田禮曰使帝

知稼穡艱難也○七年乙酉秋大風雨大水○八年丙戌春閏

應天門火

三月應天門火延燒棲鳳翔鸞二樓實錄大納言伴善男有

罪流伊豆流肥後守紀夏井于土佐善男以善逢迎寵於

仁明自內記累歷顯要害左大臣源信欲陷之代其位作

匿名書誣信及源融源勤同謀反及災奏信所為與右大

臣良相謀發兵圍信策召參議藤原基經命之基經問太
 政大臣知否良相曰大臣慈悲崇佛必不能斷基經曰是
 大事不可不告良房聞之走造朝奏信有定策功不可戮
 遣使慰諭信懼表辭職不許己而有左京人訴焚門者乃
 善男及其子中庸奴紀豐城也鞠問服罪當斬宥流之遠
 竄中庸豐城豐城夏井弟也大鏡裏書拾遺物語夏井坐獲罪夏井
 古佐美曾孫文德嘗聞其名召見素貧衣履弊惡左右笑
 之帝曰是疲賤也擢為少內記遷右中辨出為讚岐守秩
 滿民詣闕乞留二年民殷富乃新造大藏四十字皆糙納
 為不動穀至是緣坐肥後民遮途號哭過讚岐民哭聲接
 數十里在配所喪母衰毀遂卒○秋八月敕太政大臣良

藤原氏攝政始
 于此

房攝行萬機三代實錄藤原氏攝政始于此大鏡○九年丁春大
 飢盜賊群起劫人行火令近衛兵衛每夜分番巡察令畿
 內國司每鄉結保督捕○夏置常平所於東西市賤糶官
 米○自四月雨至五月○是歲以備中介藤原保則為備
 前權守保則繼繩曾孫初備中饑民多流亡為盜前守喜
 苛政囚徒填獄保則政存大體務本禁末田闢戶滋外戶
 不閉轉備前知僚更有奸賊者不撻分與己俸曰子久疲
 學官始得微官宜勉廉節期榮進特為仰事俯育屈受汚
 名貧累善人耳吾薄俸相資謹勿犯官物○十年戊春二
 月野火燒田邑陵樹帝避正殿降服素食輟朝五日○十
 一年己夏四月大納言藤原氏宗等上貞觀格二十卷○

貞觀格成

續日本後紀成

貞觀式成

五月陸奧地大震。地裂城壞。海濤涌起。數十百里溺死千許。○六月新羅海賊夜入博多。掠豐前貢絹。追捕不獲。○秋七月肥後海溢。漂沒六郡。實錄○八月太政大臣良房等上續日本後紀。本書○十二年。庚寅春二月。敕太宰府令緣海諸郡警備。敕因幡伯耆出雲石見隱岐修守禦之具。○六月。敕筑前肥前壹岐對馬戒不虞。○是歲又鑄錢。文曰貞觀永寶。○十三年。辛卯秋八月。右大臣藤原氏宗等上貞觀式。○十四年。壬申秋八月。大納言藤原基經為右大臣。○九月太政大臣良房薨。贈正二位。封美濃公。諡忠仁。○是歲旱。帝減常膳。乃雨。○十五年。癸巳春二月。惟喬親王薨。文德帝第一子。帝愛之。欲立為儲貳。憚良房不能。王隱居小

大風雨

大極殿火

野絕。外交歌詠自樂。在原業平。紀有常等。時詠至。唱和而已。薨年二十六。○十六年。甲午秋八月。大風雨。折樹發屋。公私廬舍無復全者。○十七年。乙未夏。下總俘囚叛。發兵擊之。○十八年。丙申春三月。參議太宰權帥在原行平奏請營壹岐水田。充對馬年糧。割肥前松浦郡庇羅。值嘉二鄉。建上近下近二郡別置官吏。○四月。大極殿火。延及小安殿。蒼龍白虎二樓。延休堂及北門。比東西三面。廊數日不滅。廢朝三日。○冬十一月。帝傳位於皇太子。元慶四年十二月。崩。壽三十一。帝風儀端儼。寡言好書。舉動遵禮。專精政事。內外肅然。故道前代之政者。悉稱貞觀之治。又崇釋教。既遜位。雉髮名素真。遂斷聲色。修梵行。及大漸。結伽趺坐。手

結定印而崩。宸儀不動。儼然若生。火葬粟田山。置御骨於山城水尾山陵。

陽成天皇諱貞明。清和帝長子也。母皇后藤原氏。贈太政大

紀元一千五百三十七年
即位
元慶元年

臣長良之女。○元慶元年丁酉春正月帝即位。時年十歲。右

大臣基經攝政。○夏四月造大極殿。○二年戊戌春三月出

羽倂夷叛。燒秋田城及郡院民家。出羽守藤原興世發兵

防之。屢不利。五月以右中辨藤原保則為出羽權守。○六

月以從五位下小野春風拜鎮守府將軍討平之。實初出

羽民夷雜居。田地膏腴。姦吏豪戶規私利。困編氓。至是秋

田城司良岑者。微歛多端。夷種相怨。攻燒其城。攝政基經

延保則問計。對曰。夷種怨怒死戰。一可當百。非百萬不可

克救其窮。緩其死。可不血刃而服也。基經欲保則往。保則

曰。彼獸性。欲以德懷之。須先威蒞之。因薦春風。春風時遭

讒免官。乃奏遣兩人。敕與羽守吏。皆受保則處分。保則即

發路疊。得敗聞。從者失色。保則自如。人心倚安。時城下不

和。賊者三村。乃發郡倉資給之。勉防賊。春風由陸奧出。上

津野宣。恩詔春風少在邊習。夷語脫甲。軍騎入虜軍。面諭

招降。豪酋數十人。挈至國府。保則親慰勞。以其謀斬渠帥

二人首。撫納餘種。自渡嶋至津輕。聞風內附。乃修城。倍舊

制。保則初在兩備。治尚寬。及來出羽。以嚴治之。三善清行

奏復出羽庸調。二年給不動穀六十餘斛。於雄勝平鹿山

本三郡秋倂。時以良岑無罰。保則無賞。譏基經失政。云○

文德實錄成

三年。乙亥冬十一月。右大臣基經。上文德實錄。序本書。○四年。

庚子冬十二月。右大臣基經為太政大臣。攝政如故。○五年。

辛丑夏。太政官下符。山陽南海二道。追捕海賊。實錄○是歲。創

創裝學院

裝學院。西官記○六年。壬寅春正月。天皇加元服。○七年。癸卯春。

上總倂囚叛。下官符討平之。○冬。備前守奏請募勇敢之

士。以守要害。禁海賊劫掠行旅。○八年。甲辰春二月。天皇遜

位于二條院。初帝稍長。游嬉無度。喜馳馬作厩。禁中群小

狎進。基經悉逐之。實錄不悛。至令人緣木捨殺之。世續物語基經

有廢立意。會公卿議不決。參議藤原諸葛勵聲曰。今日敢

不依太政大臣處分者。有罰議乃定。誘帝遜位。玉海天曆三

年。九月崩於冷泉院。壽八十二。皇代畧記葬山城神樂岡東北

紀元一千五百四十五年
即位

陵

光孝天皇諱時康。仁明帝第三子。母贈皇太后藤原氏。贈太

政大臣總繼之女也。帝少而聰慧。好讀經史。既長。寬仁親

愛九族。尤長人事。○元慶八年。甲辰二月。先帝遜位於二條

院。參議藤原山蔭。藤原諸葛。阿部清行等留守。太政大臣

基經與親王公卿定策。奉璽鏡劔。勸進天皇。天皇辭讓不

受。翌日。親王公卿率文武百官。備鸞輿。奉迎。即天皇位於

大極殿。時年五十五。年攝實錄崩年五十八之文○五月。敕博士等議

太政大臣職掌。○六月。詔百官奏事。先請稟太政大臣。基

經。而後奏聞。○仁和元年。乙巳春正月。始禁參議以下著貂

裘。○冬十月。敕太宰府。禁私買唐物。○二年。丙午夏五月。以

仁和元年

肥後攝津豐後甲斐四國守經年不赴任。敕降位一階。奪其告身。○三年丁未秋八月。帝崩。壽五十八。葬山城田邑陵。是為後田邑陵。延喜式

紀元一千五百四十八年即位

宇多天皇。諱定省。先帝第七子也。三代實錄母洞院皇太后。仲野

親王之女。大鏡八月。先帝不豫。太政大臣基經入奏請建

皇嗣。帝曰唯公所計。基經請立天皇。帝大喜。急召之。愚管抄

左執基經手。右執天皇手。泣曰。大臣輔助恩深。汝莫敢忘。

愚管抄引至。是即位於宣耀殿。扶來詔萬機巨細皆關白。

於太政大臣基經。關白始于此。濫觴抄○仁和四年戊申二

月。詔關白基經。準三宮。補○寬平元年己酉二月。敕減服御

常膳四分之一。菅家文章○五月。賜皇曾孫高望平姓。○二年

始置關白
寬平元年
平氏之祖

類聚國史成

止遣唐使

庚戌正月。朔。天皇拜天地四方。屬星山陵。年中行○冬十二

月。太政大臣基經辭關白。菅家文章○鑄錢文曰寬平大寶。五

畧○三年辛亥正月。太政大臣基經薨。公卿○四年壬子。敕藏

人頭菅原道真。撰類聚國史。○五年癸丑。夏。敕太宰府曰。當

今要務在農。勿令失時。且征且田。良將之術。敕到奉行。右

記○六年甲寅夏五月。唐使至。○秋八月。以參議菅原道真

為遣唐大使。右少辨紀長谷雄為副使。既而止之。○新羅

寇邊。扶來○九月。加置太宰府。督師。類聚筑前守文屋

善友討新羅賊。大破之。獲大將三人。副將十人。○冬十

月。定左右檢非違使廳。日決其獄。政事○八年丙辰正月。戊

子。幸雲林院。作子日宴。子日遊始于此。○九年丁巳秋七月。

子日遊始于此

皇太子加元服。日本是日。帝禪位。大自著書以誡嗣帝曰。

明賞罰莫惑愛憎用意平均莫拘好惡慎喜怒莫形于色

訪治於有識求道於六經。寬平遺誠。昌泰二年十月落飾稱法

皇承平元年七月崩壽六十五。日本紀。帝嘗使巨勢金岡圖

殷周以來名臣於紫宸殿障子。世謂之賢聖障子。古今著聞集

即位初語關白基經曰朕無臨馭四海之量願速去位基

經陳其不可即委以政事基經既薨乃親庶政。愚管後世

言政理必稱延喜天曆然帝治世及有上世無為之風。神皇正統記

火葬山城大內山稱宇多院。日本紀。日本朝文粹。天子稱院省

尊號自此始。

醍醐天皇諱敦仁宇多帝長子也母贈皇太后藤原氏內大

此天子稱院始于

紀元一千五百五十八年

即位

昌泰元年

臣高藤之女。皇代記。帝年十三即位。尊先帝曰太上天皇。使

大納言藤原時平權大納言菅原道真參決政事。○昌泰

元年。戊午。春二月。帝始讀群書知要。○二年。己未。二月。以時平

為左大臣。道真為右大臣。○京師多盜放火殺人。敕使四

衛府兵巡夜。日本紀。○三年。庚申。春正月。帝觀法皇於朱雀院

議曰左右大臣並執朝政無所統一乃召道真密諭使關

白庶政。道真固辭不受。扶桑略記。○冬十月。文章博士三善清

行。上明年辛酉革命議。○延喜元年。辛酉。春正月。貶右大臣

菅原道真為太宰權帥。日本紀。初道真以碩學鴻儒。有時望

時平年少氣銳固執不相下。大鏡。及聞關白密旨益不懌與

源光及藤原定國藤原菅根等譖道真於帝。代記。誣其欲

三善清行上辛酉革命之議

延喜元年

三代實錄成

古今和歌集成

延喜格成

廢帝立齊世親王親王道真女婿也帝震怒下敕貶謫錄思管抄法皇聞之欲見帝申救菅根戒門者不通鏡道真男
 女二十三人皆坐流在柄○大納言源光為右大臣○秋
 八月左大臣時平等上三代實錄本書實錄道真所定居
 多以其貶不得列名○三年癸亥二月太宰權帥前右大臣
 菅原道真薨于筑紫補任道真博學敏文詞為宇多帝所識
 拔終大用及在配所閉門不出以文墨自遣至是薨年五
 十七菅家文章○四年甲子二月立皇子崇象親王為皇太
 子日本○五年乙丑四月御書所預紀貫之等撰古今和歌
 集本書○六年丙寅秋誅鈴鹿盜日本○七年丁卯左大臣時
 平上延喜格本朝○是歲鑄錢文曰延喜通寶五事○九

三善清行上意見封事

大旱

延長元年

年己左大臣時平薨補任○十四年甲戌二月詔使公卿進議
 議式部大輔三善清行上封事條陳便宜十二事肅祭祀
 禁奢侈抑兼并勵學生省舞妓慎刑獄均祿賜擇牧宰程
 課役嚴邊備汰僧徒修津泊本朝○十五年乙亥冬十月以
 疾疫大赦天下免延喜十年以前調庸逋負減今年徭半
 ○十七年丁丑冬十一月朔日南至百官表賀○自九月不
 雨至十二月京師井涸上皇許民庶汲冷泉院池水水竭
 救汲神泉苑池水井泉盡涸京畿屢火二十七日始雨○
 延長元年癸未春三月皇太子保明薨○夏四月詔復故右
 大臣菅原道真日本本官日本謫道真以來歲比不稔京師屢
 災又多旱疫太子暴薨世以為道真崇故有此命扶桑○

風土記成

延喜式成

東丹國使來

大雷震清凉殿

三年西冬十一月。敕天下諸國司。進風土記。朝野群載○五年

丁辰冬十二月。左大臣藤原忠平等。上延喜式。本書奏表○六年

戊子夏六月。使少內記小野道風書。漢以來賢君名臣言行。

於清凉殿南廂粉壁。日本紀畧○八年庚寅春。賑左右京疾病窮

困者。穀設飯於道。以救饑者。又救檢非違使及左右京職

視察饑疾者。居諸施藥悲田二院。○夏四月。東丹國使至。

丹後却之。先是契丹主阿保機。攻滅渤海。改號東丹。前此

渤海數通使。此後遂絕。○六月。京南民請決神泉苑池。既

田聽之。是日烈風雷雨。震清凉殿。大納言藤原清貫。右中

辨平稀世等。震死。扶桑傳○秋九月。帝讓位於皇太子。薙髮

號寶金剛。日本紀畧是日崩。壽四十六。扶桑傳帝臨御日久。

勵精圖治。哀矜百姓。寒夜親脫御衣。以省民間凍餒。每群
臣奏對。必溫顏接之。勉導忠讜。以求啓沃。大鏡國家無事。民
庶安堵。世以比仁德帝。後之言治者。皆稱延喜焉。神皇正統記
葬山城宇治郡山階。稱後山階陵。大鏡裏書拾芥抄

終

